

四庫全書

子部

欽定四庫全書

六藝之一錄卷八十七

錢唐倪濤撰

石刻文字六十三

唐刻賦

褚遂良枯樹賦

枯樹賦故龍圖壽春魏公家傳云褚河南書其卷末
題識止云貞觀四年為燕國公書而無書人姓名余
按徐浩書品云中宗時中書令宗楚客恩倖用事嘗

賜二王真蹟二十軸因製為十二屏以褚遂良枯樹賦為脚大會羣賢張以示之薛稷崔湜輩見之皆廢食歎息驗此賦河南書明矣然既用作屏而今本乃橫卷豈非後之好事者重裝褙以便緘藏耶抑河南書此賦自有別本邪不可復知也觀其筆力道媚頗逼二王非河南不能為也而學者多云燕公子志寧也按志寧曾祖謹仕周開國封燕志寧貞觀末始襲祖封而此賦乃在未封前豈當時公卿自有封燕者

而史失其傳耶或志寧嗣封當在前而書傳記之誤邪又不可得而詳也予愛玩其書因究其本末而志

於後

蘇魏
公集

右枯樹賦世皆以壽春魏氏為真丹陽蘇丞相辨識之墨帖既藏魏氏今所傳蘇丞相跋尾者亦摸勒也至或以雍元直所臨倣為魏本而系蘇跋其後余此本得之壻汶陽梁正壽正壽雅好筆墨且自精賞魏鄭公嘗云褚河南下筆道勁甚得逸少體資此本皆

蘭亭筆法識者寡云開封丁禹錫毗陵胡承之以勒

石大野晁元咎記

雞肋集

舊見陳了翁筆法清勁嘗疑其創自為家今乃知髣髴出枯樹賦耳豫章金陵所刻何曾有豪髮似哉晁補之字僅見以跌宕亦自有意況經前輩鑒定重以省印郡記累累無不可考胡氏世家在東南為盛世將摹刻又不一所此真蹟尤其所寶故所在用意識

之歷官大畧備焉壬午五月廬陵劉辰翁題

珊瑚網

河南存筆在人間者數十年來特傳有禊叙一本在
故祭酒陳緝熙先生家號為真蹟而今亡矣此外雖
贗本亦罕經見此枯樹賦殆是元人繙搨其中不勝
褰裳濡足之苦其外正若桓大將軍之於劉司空甚
多似而多遺恨者後有晁補之跋却是真手筆辭氣
筆勢皆極超拔矯然遊龍金陵人家蓄之請予鑒玩
因書云爾予見晁書前此止一小牘不知其精絕如

此也

祝氏
集畧

褚遂良書庾信賦貞觀四年十月八日為燕國公書

凡四百六十七字

諸道石
刻錄

叢臺賦

嚴浚撰蔡有鄰八分書開元二十七年

金石
錄

李德裕大孤山賦

篆書無姓名會昌五年

金石
錄

唐大孤山賦贊皇文辭其可愛也其所及禍或責其不能自免然古今聰明賢知之士不能免者多矣豈

獨斯人哉

集古錄

大孤山賦字畫頗佳而傷於柔媚世傳缺墀工小篆

此豈其筆耶

全上

蕭穎士庭莎賦

正書無姓名大中七年十月

金石錄

令狐楚登白樓賦

令狐澄書咸通二年三月

金石錄

咸通二年登白樓賦令狐楚撰白樓在河中至楚子

綯為河中節度使乃刻于石綯父子為唐顯人仍世
宰相而楚尤以文章見稱世傳綯為文喜以語簡為
工嘗飯僧判齋綯於佛前跪爐諦聽而僧唱言曰
令狐綯設齋佛知蓋以此譏其好簡楚之此賦文無
他意而至千有六百餘言何其繁也其父子之性相
反如此信乎堯朱之善惡異也

集古錄

燕子樓賦

徐州

金石畧

擊甌賦

張曉作巴州

金石畧

唐刻書

李靖上西嶽書

世傳扶餘國事類若劍俠而衛公從之似以任縱自
喜然考其行事則動以禮法自約又若老書生此書
豪武自將亦既放矣或疑其偽將其暴侮神羞求合
於杳冥者乎亦當時憤激感慨豪氣未除而然邪劉
餽嘗言衛公訴神且請告以官位所至詞色抗厲後
有聲曰僕射好去後果如言此書殆似或真有是耶

將後人因此附益之乎餽在開元中其說似有據若

可信也

廣川
書跋

右唐李衛公布衣時上西嶽書真蹟蓋厭隋亂已極
負濟世之志奮欲有為而咨之神明之辭也士重乎
立志養氣衛公此書志已先定而氣蓋宇內矣是以
卒能輔明主而建功業焉其書亦佳石刻在廣西余
得之劉長吾僉事云

東里
集

此好事者誣衛公而為之書詞可笑而唐劉餽言衛

公訴神且請告以官位詞色抗厲後有聲曰僕射好
去顧不見後果如言以此觀之真有是書耶又小說
載公射獵行雨事殆異人不可以常理論也書三種
潞州者崇寧間刻藤縣者紹興間刻西嶽廟則近刻
筆亦道逸王元美稱之當是潞州本藤縣者不及近

刻又下矣

石墨
鐫華

張松質與李邕書

開元十一年

金石
錄

顏魯公與郭僕射書

昨日長安安師文出所藏顏魯公與定襄郡王書草數紙比公他書尤為奇特信手自然動有姿態乃知

瓦注賢乎黃金雖公猶未免也

東坡集

魯公與郭令公書論魚軍容坐席凡七紙而長安安氏兄弟異財時以前四紙作一分後三紙及乞鹿脯帖作一分以故人間但傳至不願與軍容為佞柔之友而止元祐中余在京師始從安師文借得後三紙

遂合為一此書雖奇特猶不及祭濠州刺史文之妙

蓋一紙半書而真行草法皆備也

山谷集

魚朝恩擠郭令公折元載搖相里造侵王縉一時權
燄熏灼若此魯公秉義以奪其驕至今幾五百年尚
凜凜有生意猗其偉與但其間稱譽朝恩尚數千言

大半於行間增入豈猶未免於危行言孫耶

鶴山題跋

魯公作字多擘窠大書端勁而秀偉黃魯直云此所
期無不欲高照千載者此帖草畧匆匆前所未見開

軸未暇熟視已覺粲然忠義之氣橫溢而點畫所至處便自竒勁公嘗謂盧杞曰朝廷法度豈更堪公破壞也於此又曰朝廷綱紀須共存正凜然想見其為人蓋公所遭之時如此而所守之道不得不然故倉卒未敢忘國之綱紀也余私有感於中者因記於此

清河書

畫舫

坐位帖真蹟在京兆安氏家嘗刻以傳世吳中復守永興謂安氏石未盡筆法因再摸刻此二本余家咸

有之安氏子孫分析坐位帖乃剖為二此帖至行香
寺僕射指後不復有蓋吳安石刻本卓頭高指後別
為一行遂由是平分為兩是安氏兄弟不學之謬東
坡見安師文時帖尚全嘗手搨數十本余得東坡搨
本於東平王氏無纖豪失真旁用眉陽蘇氏及趙郡
蘇軾印記米襄陽年少嘗臨之邵伯溫亦云安氏析
後不復見全本此卷筆法絕類米老往見乞米帖墨
跡於子昂家子昂以重資得之余心有疑而不敢言

今得此帖紙色行墨絕相類遂定為米老所臨無疑

延祐二年八月丁丑袁楠記

清容居士集

顏魯公爭坐位書用先豐縣先天廣德中牒起草真蹟縫中有顏氏守一圖書字印米元章所謂詭形異狀得於意外定為顏書第一者是也宋時與季明文鹿脯帖俱藏安師文家後來季明文歸聶氏文待詔題識極誦其妙余不及見曾見吾友項又新所藏坐位帖神色秀朗微似宋人摹本要亦書家甲觀矣近

來墨刻陝本漫漶不足目戲鴻堂所勒宋搨亦未能
精且行欸割裂不無失古人縱橫徐疾之勢不若此

本筆筆生動位置儼然信可寶也

陳萬言
鉅園集

右唐顏魯公與郭僕射英又書世所謂爭坐位帖此
其草也世人重公名節故併重其書重其書故草草

之筆亦摹刻之人其可以不立德耶

金薤
琳瑯

爭坐帖有陝刻字形已漫余家有宋搨精好因摹入

石此顏書之烜赫者

書畫
眼

魯公草行不知何時上石石已泐矣而法猶可尋王
元美云無一筆不作晉法所謂無意而文從容中道
者也又云公剛勁義烈之氣文不能發而發之于筆
墨間余嘗謂公學不如其人于麻姑壇記見之詞不
如筆楷不如行有意不如無意于此帖見之而都元
敬乃謂草草之筆亦為摹刻目中有筆余不能不服

鷹元美

石墨
錫華

此碑雖泐而顏公筆法宛然近董氏摩入戲鴻堂帖

乃云陝省者不足觀而自謂存魯公法度今以余觀
董氏刻視此則神亡多矣

全上

右草書乃顏魯公草本無意于書而天真爛然學者
可以知作字寫畫無意于佳而自佳者乃誠為佳矣

玄牖
紀

大丈夫平生節概只視其氣如何胸中磊落如萬丈
虹蜺遇事而發出之以理便可如真金美鐵百鍊不
回若無主宰為物所奪則瞬息間已冰消霧釋不能

復振顏光祿在唐人知其死希烈之難不知此老平生自許者不必待此只如爭坐位時咬釘嚼鐵便有一上鋸時氣勢元白信此則此帖潦草皆是一段奇氣只當作祭二姪文字書麻姑壇文章看之可也

全上

顏魯公與郭僕射書行草今在西安府儒學世謂之爭坐位帖 宋沈括夢溪筆談曰都堂及寺觀百官會集坐次多出臨時唐以前故事皆不可考惟顏魯公與左僕射定襄郡王郭英乂書云宰相御史大夫

兩省五品供奉官自為一行十二衛大將軍次之三師三公令僕少師保傅尚書左右丞侍郎自為一行九卿三監對之從古以來未嘗參錯此亦畧見當時

故事

金石文
字記

顏魯公奉使蔡州書

行書今在同州其上有魯公畫像書曰真卿奉命來此事期未竟止緣忠勤無有旋意然中心恨恨始終不改游于波濤宜得斯報千百年間察真卿心者見

此一事知我是行亦足達于時命耳又曰人心無路見世事只天知下有題曰觀此筆蹟不顯歲月以事

實考之蓋使李希烈時也希烈以建中元年陷汝州

盧杞建議遣公奉使至正元

宋諱貞故作正

元年八月丙戌

公不幸遇害因躡賊庭者踰二年刃加於頸而色不

變度無還期誓不易節蓋書此以自表云靖康元年

七月壬申朝散郎祕閣修撰知同州軍事唐重書

金石

文字
記

魯公行書奉命來此事期未竟止緣忠勤無有旋意
又作二語云人心無路見時事只天知宋刻同州下
有公小像不知原刻在何處然觀其詞意乃使希烈
時也亦足悲矣

石墨
錫華

又有忠義堂帖宋人所刻此帖名為奉命帖又有移
蔡一帖曰貞元元年正月五日真卿自汝移蔡天也
天之昭明其可誣乎有唐之德則不朽耳十九日書

金石文
字記

段文昌與房式往還書

正書貞元十七年十一月

金石錄

白居易與劉禹錫書

行書無年月

金石錄

論

三吳論

歐陽詢書西京

金石錄

韋維善政論

先天元年韋維善政論著作郎楊齊哲撰維先天中
為坊州刺史齊述所撰實德政碑也特異其名爾余
嘗患文士不能有所發明以警未悟而好為新奇以
自異欲以怪而取名如元結之徒是也至於樊宗師
遂不勝其弊矣如齊哲之文初無高致第易碑銘為

論贊爾

集古
錄

著作郎楊齊哲撰前洛川縣丞直翰林院缺庭誨書

維字文紀京兆杜陵人為坊州刺史此實紀德碑也

以先天元年立

集古錄目

虞世南破邪論序

右破邪論序唐虞世南撰并小楷書世南之筆惟孔子廟堂碑行世此文雖歐陽公趙明誠皆未之見而予乃得見之豈非幸哉破邪論今載釋氏藏經其說不暇深究若世南書則予之所嗜好故錄之

金薤琳琅

虞永興世南書蹟本自希而楷法尤不易得小者唯

破邪論序稍大者孔子廟堂碑而已破邪精能之極

幾奪天巧所以不入二王室者猶似不能忘情於蹊

逕耳

弇州山人藁

司馬子微坐忘論

唐白雲先生撰道士張弘明書太和三年女道士柳凝然趙景元刻石并凝然所為銘同刻後又有篆書

曰盧仝高常嚴固元和三年凡十字碑在王屋

集古錄目

序

懷素草書自叙

僧懷素撰并書大曆十二年十月石在將作監官庫

諸道石
刻錄

送劉太沖序

顏真卿書未詳

金石畧

送劉太沖序碧牋書王欽臣故物後有王參政名印

王云因與唐垌兩出書各誤收卷去垌以將才不偶

命而德無其鄰字剪去碧牋宜墨神彩豔發龍蛇生

動觀之驚人不裝背揭去背紙以厚紙散卷之畧一

出即卷去其子云與智永千字柳公權書柳尊師誌
歐陽鄱陽帖並同葬矣亦可歎息也或謂密為王詵

購去

朱芾
書史

顏魯公送劉太冲序鬱屈瑰竒於二王法外別有異
趣米元章謂如龍蛇生動見者目驚不虛也宋四家
書派皆出魯公亦只爭坐帖一種耳未有學此叙者
豈當時不甚流傳邪真跡在長安趙中舍士栢家以
余借摹遂為好事者購去余凡一再見不復見矣溥

熙祕閣續帖亦有刻

畫禪室
隨筆

冬日集藏用上人院詩序

程浩撰序王涓等詩吳通微行書貞元四年

復齋
碑錄

送李愿歸盤谷序

韓愈撰盤谷在孟州濟源縣貞元中縣令刻石于其

側令姓崔其名泱今已磨滅其後書云昌黎韓愈知

名士也當時退之官尚未顯其道未為當世所宗師

故但云知名士也然當時送愿者為不少而獨刻此

序蓋其文章已重於時也以余集本校之或小不同
疑刻石誤集本世已大行刻石乃當時物存之以為

佳翫爾其小失不足較也

集古錄

正書無姓名貞元中刻石

金石錄

今在濟源縣解其未有記云貞元辛缺歲建丑月渤

海高從缺

乃書者之名而石缺之也宋元祐八年

縣令傅君俞重刻

金石文字記

總悟上人鍾山林下集序

石洪撰正書貞元二十年十二月

金石錄

處士石洪撰序桂府觀察判官張謏諸暨縣尉盧建

上元縣尉盧少連詩共三首皆洪書為鍾山僧摠悟

所作也以貞元二十年十二月立

集古錄目

右鍾山林下集序者石洪為浮圖總悟作也石洪為

處士而名重當時者以常為韓退之稱道也唐世號

處士者為不少矣洪終始無他可稱於人者而至今

其名獨在人耳目由韓文盛行於世也而洪之所為

與韓道不同而執不相容也然韓嘗歎籍湜輩叛已而不絕之也豈諸子駁雜不能入于聖賢之域而韓子獨區區誨誘思援而出於所溺歟此孔孟之用心也治平元年八月八日書

集古錄

五太守宴小洞庭亭序

蘇源明文并書在鄆州

金石畧

陳章甫謁禹廟序

開元二十年釋惠通八分書

施宿會稽志

尊勝經行書序

會昌元年前昭義軍節度使要籍右監門率府兵曹

參軍上護軍奚獎書在戒珠寺

會稽志

表

蘇源明正德表

周良弼八分書天寶十四年

金石錄

乞御書放生池碑額表

表顏真卿書批答肅宗御書表以上元元年上真卿

時為刑部尚書碑以大曆九年立

集古錄目

崔淙謝廣利方表

行書貞元十二年五月

金石錄

右唐崔淙謝廣利方表德宗貞元中自著方書號貞元廣利方頌之郡國淙時為同州上表稱謝德宗信任姦臣毒流天下而區區欲以醫方救人民疾苦可

謂婦人之仁矣

金石錄

內侍梁守謙乞寫興唐寺藏經表

太和六年

京兆金
石錄

述

宇文顥山陰述

竇公衡撰史維則八分書天寶十三年

金
石
錄

琅琊溪述

在滁州大曆六年

輿地
碑目

項王碑陰述

顏真卿撰并正書大曆七年五月

金
石
錄

顏真卿為湖州刺史重建項羽廟舊碑以大曆七年

五月刻記于碑陰

集古錄目

舉廢功述

王仲舒撰韋國正書貞元二十一年

金石錄

李元素二州慰思述

義成軍節度鄭滑等州觀察李元素二州慰思述庚

承宣撰唐衢八分書并篆額元和中立

復齋碑錄

左史洞述

張祐書池州

金石畧

金天王廟靈異述

衛包撰并正書天寶九年四月

金石錄

誌

洛祠誌

行書無書撰人姓名天寶六年三月在同州

金石錄

海濤誌

海濤誌濤歷濤日時濤期朔望體象春秋仲月漲濤

解凡六篇唐竇叔蒙撰其說以月朧胸候濤汐之進退并竇氏濤日時疏一篇越州刺史孟簡撰皆陶德

書朱巨題額不著刻石年月

集古錄目

大厯中海濤誌竇叔蒙撰其書六篇一曰海濤誌二曰濤厯三曰濤日時四曰濤期五曰朔望體象六曰春秋仲月漲濤解余嚮在揚州得此誌甚愛之張於座右之壁冀於朝夕見也已而夜為風雨所壞其後求之凡十五年而復得斯本以示京師好事者皆云

未嘗見也

集古錄

李幼卿題琅邪山誌

八分書無姓名柳遂皇甫智詩附

金石錄

傳

佛跡圖傳

薛稷書京兆府

金石錄

崔慧爽傳

薩謹撰行書無姓名開元十四年二月

金石錄

東夏師資正傳

僧惠超述李嵩書開元十八年四月

金石錄

崔禹傳

權倖撰党撫八分書開元二十五年春

金石錄

張中丞傳

右唐張中丞傳李翰撰嗚呼張巡許遠之事壯矣宜秉筆之士皆喜為之稱述也然以翰所記考唐書列傳及韓退之所書皆互有得失而列傳最為疎畧雖

云史家當記大節然其大小數百戰屢敗賊兵其智謀材力亦有過人可以示後者史家皆減而不著甚可惜也翰之所書誠為大繁然廣記備言所以備史

官之采也

集古錄

陸文學傳

咸通十五年 右陸文學傳鴻漸自撰茶之見前史蓋自魏晉以來有之而後世言茶者必本陸鴻漸蓋為茶著書自其始也至今俚俗賣茶肆中常置一甕

偶人於竈側云此號陸鴻漸鴻漸以茶自名於世久矣考其傳著書頗多曰君臣契三卷潮州刺史記一卷茶經三卷南北人物志十卷吳興歷官記三卷源解三十卷江表四姓譜十卷占夢三卷其多如此豈止茶經而已哉然其他書皆不傳

錄集古

沒賀舍利傳

崔璿撰正書無姓名開成五年十月

金石錄

都官員外郎崔璿撰正書無姓名初開元中國城西

偏產異豕或謂文殊之化身常嬉遊於寺市人圍繞
爭以餅餌投之後死於市市吏劉守嗣等焚之獲舍
利遂歸藏於安國寺立此傳碑以開成五年十月立

寶刻
叢編

疏

長生粥疏

齊己書洪州

金石
畧

陳杲仁告身并捨宅造寺疏

俞珣述并書大中八年

金石錄

隋大業十一年陳杲仁為朝請大夫告身并杲仁妻軫靜緣捨宅造寺疏同刻皆無書人名氏捨宅疏稱

明政二年者李子通年號也

集古錄目

疏後題云明政二年按隋書煬帝本紀大業十一年十月東海賊帥李子通擁眾渡淮僭稱楚王建元明政則明政二年乃大業十二年也唐高祖實錄武德二年四月隋禦衛將軍陳稜以江都降即以稜為總

管九月李子通敗稜陷江都國號吳達元明政則明
政二年是武德三年矣二說不同如此呂夏卿為余
言若以大業十二年為子通僭號之二年則江都方
亂煬帝安得南幸而唐實錄陳稜事可據則明政二
年當為武德三年也隋書繆矣杲仁終始事迹不顯
畧見於隋書云唐初為隋太僕丞元祐將煬帝已遇
弑沈法興杲仁共殺祐起兵據江表法興自稱總管
大司馬錄尚書事承制置百官以杲仁為司徒其事

止見此爾開元中僧德宣為杲仁記捨宅造寺載其
世家頗詳而其功闕官爵歲月多繆德宣言中毒以
死而宅疏言見屠戮當以宅疏為是德宣文辭不足
錄獨採其世次事蹟終始著之俾覽者覈其真偽而
少益於廣聞煬帝本紀高祖實錄皆唐初人所撰而
不同如此何哉

集古
錄

訓

南叟訓

初順之撰皇三從姪李延宥正書乾元二年

錄金石

箴

語箴

歐陽詢書未詳

金石畧

太倉箴

李商隱文行書大和七年十月

錄金石

議

顧少連謚議

正書無姓名元和元年五月

錄金石

六藝之一錄卷八十七

欽定四庫全書

六藝之一錄卷八十八

錢唐倪濤撰

石刻文字六十四

唐刻詩

幽林思

韓覃撰正書無姓名武后時立

金石錄

幽林思武后時廬山林藪人韓覃撰余為西京留守
推官時因遊嵩山得此詩愛其辭翰皆不俗後十年

始集古金石之文發篋得之不勝其喜余在洛陽凡再登嵩嶽其始往也與梅聖俞楊子聰俱其再往也與謝希深尹師魯王幾道楊子聰俱當發篋見此詩以入集時謝希深楊子聰已死其後師魯幾道聖俞相繼皆死蓋遊嵩在天聖十年是歲改元明道余時年二十六距今嘉祐八年蓋三十一年矣遊嵩六人

獨余在爾感物追往不勝愴然

集古錄

石淙詩

諸公撰薛曜正書武后時立

金石錄

御製夏日游石淙詩并序久視元年五月薛曜正書
今在嵩山石淙北崖上其詩天后自製七言一首侍
遊應制皇太子惠顯太子左奉裕率兼檢校安北大
都護相王惠旦太子賓客上柱國梁王惠三思內史
惠狄仁傑奉宸令惠張易之麟臺監中山縣開國男
惠張昌宗鸞臺侍郎惠李嶠鳳閣侍郎惠蘇味道夏
官侍郎惠姚元崇給事中惠閻朝隱鳳閣舍人惠崔

融奉宸大夫汾陰縣開國男忠薛曜守給事中忠徐
彥伯右玉鈐衛郎將左奉宸內供奉忠楊敬述司封
員外忠于季子通事舍人忠沈佺期各七言一首

文內天台訛右銜訛衝瀑水訛曝

金石文
字記

天后御製詩

王知恭書西京

金石
畧

永淳二年九月王知敬正書

今在少林寺

金石文
字記

則天幸流杯亭宴詩

麟臺丞殷仲容書武后聖歷二年幸汝州宴飲於州
南流杯亭與羣臣分韻賦詩武后御製及梁王三思
等凡七首平章事李嶠為序以久視元年九月刻石
碑後沒於汝水中貞元五年刺史陸長源輦出之有

記在碑陰字為八分書

集古錄目

流杯亭侍宴詩者唐武后久視元年幸臨汝陽留宴
羣臣應制詩也李嶠序殷仲容書開元十年汝水壞
亭碑遂沈廢至正元中刺史陸長源以為嶠之文仲

容之書絕代之寶也乃復立碑造亭又自為記刻其碑陰武氏亂唐毒流天下其遺跡宜為唐人所棄而長源當時號賢者乃獨區區於此何哉然余今又錄之蓋亦以仲容之書可惜是以君子患多愛

集古錄

流杯亭在梁縣城南三十里唐則天嘗與侍臣姚元

崇蘇題武三思薛曜等遊宴賦詩

寰宇記

陪勅使麻先生祭獄詩

詩見求古錄補錄卷末

守博城縣令馬闕名在岱嶽觀碑東側面其文剝蝕不

全久視二年記所稱神都青玄觀主麻慈力即其人也武后遣之至觀修醮神都即東都故有伊水嵩巖

之句

金石文
字記

六公詠

李邕撰胡履虛八分書開元十一年

金石
錄

李北海六公詠今泰和集中雖有詩而無其姓名又其說一章不盡或遺余見荊州六公詠石刻文既不刊故得盡存可以序載於此按中宗復位以彥範王

扶陽暉王平陽玄暉王博陵東之王漢陽恕已王南陽世謂五王然皆狄梁公所進故邕嘆其成大功者六人詩尤奇偉豪氣激發如見斷鼉立極時至今讀之令人想望風采宜老杜有云昔盧藏用謂邕如干將莫邪難與爭鋒史官所美謂碑頌是所長余見他文亦不若是壯厲警拔殆感憤而作故氣激於內而橫放於外者也序言邕為荊州今新舊書但言坐善張柬之貶福州司戶叅軍韋氏平還為左臺御史張廷

珪姜皎引為御史中丞姚崇出為括州司馬起為陳州刺史後貶遵化尉徙澧州司馬括州刺史歷淄滑汲郡北海不書嘗為荊州也

廣川書跋

右唐六公詠李邕撰胡履虛書初余讀杜甫八哀詩云朗詠六公篇憂來豁蒙蔽恨不見其詩晚得石本入錄其文詞高古真一代佳作也六公者五王為一

章狄丞相別為一章云

金石錄

讀樊丞相傳詩

鄭靈詩胡需八分書天寶二年

金石錄

河陰尉鄭炅之撰安定胡需然分書不著年月

集古錄

小魯真人仙解謠

魯國清撰陳錫正書天寶七年七月

金石錄

唐魯國清撰進士程錫書真人名成字和光年八歲及其兄希言皆為道士於奉仙宮此本止有其半不

見所終及立石年月在濟源

集古錄

華嶽廟古松詩

衛包撰并篆書天寶九年

金石錄

韋元志撰右補闕集賢院學士衛包古文篆天寶九

年立

集古錄目

李峯途經劍門詩

程昂正書天寶十五年

金石錄

雲門山投龍詩

趙居貞撰天寶中立

金石錄

右唐雲門山投龍詩北海太守趙居貞撰序言天寶

玄默歲下元日居貞投金龍環壁于此山有瑞雲出於洞中有聲云皇帝壽一萬一千一百歲蓋天寶中玄宗方崇尚道家之說以祈長年故當時諂諛矯妄之徒皆稱述奇怪以阿其所好而居貞遂刻之金石以重欺來世可謂愚矣

金石錄

崔龜潭詩

蔡有鄰八分書天寶五年十一月

金石錄

天寶五年崔龜潭詩蔡有鄰書唐世以八分名家者

四人韓擇木蔡有鄰李潮史惟則也韓史二家傳於世者多矣李潮僅有存者有鄰之書亦頗難得而小字尤佳若石經藏贊崔潭龜詩與三代彝鼎銘何異

集古錄

右唐崔潭龜詩蔡有鄰小字八分書歐陽公稱之以謂與三代彝鼎銘無異而元祐間守京兆者取其石為柱礎世遂不復傳可惜也

金石錄

白楊篇

張說撰劉睿書

墨池編

冬日洛城北謁混元皇帝廟詩

杜甫作陸肱書在西京

金石略

崇徽公主手痕詩

李山甫等正書大歷四年

金石錄

大歷四年崇徽公主手痕詩李山甫撰崇徽公主者

僕固懷恩女也懷恩在肅宗時先以二女嫁回紇其

一嫁毗伽可汗少子後號登里可汗者是也其一不

知所嫁何人唐書懷恩傳及回紇傳皆不載惟懷恩
所上書自陳六罪有云二女遠嫁為國和親以此知
其又嘗嫁一女爾此所謂崇徽公主者懷恩幼女也
懷恩既反引羌渾奴刺為邊患永泰中病死於靈武
其從子名臣以千騎降唐大歷四年始以懷恩幼女
為崇徽公主又嫁回紇即此公主也

集古錄

崇徽公主手痕碑在汾州靈石蓋唐僕固懷恩女懷
恩唐功臣以嫌猜叛入回鶻沒其家入後宮大歷四

年以回鶻請婚封為崇徽公主下降可汗以兵部侍郎李涵往冊命唐都關中其入回紇道至汾上此其常也然托掌石壁遂以傳後豈怨憤之氣盤結於中而不得發遇金石而開者耶

廣川書跋

德宗題陝州佛堂院壁詩

不著書人名氏帝時為雍王天下兵馬元帥大歷七

年陝虢觀察使皇甫溫刻

集古錄目

懷圓寂上人五言詩

顏真卿撰并正書大歷十二年十二月

金石錄

天字慈竹詩

顏真卿書未詳

金石畧

懷素洪州詩

懷素似不許右軍得名太過謂漢家聚兵楚無人也
其與阮籍言世無英雄使豎子成名氣亦畧等矣觀
李廣射石秦人扑虎皆在氣全未分時使心一改而
氣已移雖有勇決剛果何施於用耶懷素氣成乎技

者也直視無前而坐收成功天下至莫與爭勝其
氣蓋一世久矣故能致一而終身不衰也

廣川書跋

題謝公詩

大歷七年湖州

金石畧

題朝陽巖詩

李舟撰并正書大歷十三年九月李當牛從詩附

金石

錄

題禹廟寶林二詩

唐會稽內史徐浩撰并書無年月石在宋宣獻家

諸道

石刻錄

李邦彥出會稽寶林寺詩黃庭堅書其後曰法士多

瓌能

奴來反

是僧為鼈爾孤岫龜形在謂山有穴而特

不可謂山余評曰此詩未有工處特以書貴季海書

名唐世而此石乃公平生書不得不尚如高閣無恆矣

音苔乃詩人會意誤處黃子挾而警之亦是一快事謂

瓌能孤岫不害於詩黃子求人已細張子曰因進非

哀表賢選能

奴來反

憑相觀禋祈禳攘災是古人已如

此音況能有所合謂能自有所据邪爾雅曰山有穴

岫不必謂如神漢凡山有竅穿可見者是故謝康樂

言牕間列遠岫玄暉言雲表吳岫徹杜甫言自多窮

岫雨昌黎言點點露數岫豈盡失也若白居易言岫合

雲初吐則不可謂山聳而出者世人多託人見聞以

為已是黃子說嘗勝人亦未深攷余不得不辨

廣川書跋

石橋寺詩

貞元三年正月今在衢州

金石文
字記

衢州府城南三十里有爛柯山相傳為王質遇仙之
所有洞明豁旁峙一碑乃唐衢州刺史嗣江王禕所
題五言古詩元和元年州刺史陸庶記云刺史韋公
以外祖信安郡王詩刻石朱彛尊云考新唐書表太
宗第三子吳王恪恪第三子琨琨子禕舊唐書傳禕
少繼江王罽後封為嗣江王改封信安郡王景雲開
元中兩為衢州刺史詩當作於景雲間而刻於貞元

也詩中有薄烟幕遠村遙峰沒歸翼二語楊用修以
為仙人遺句殆未見此碑故耳又有二碑刻唐人李

幼卿李深謝劇羊滔薛戎詩各一首今亡

潘來金石文字記補

遺

仙岩四瀑布詩

路應等唱和行書貞元七年三月

金石錄

秋日登戲馬臺詩

侯莫陳遂等正書無姓名貞元七年九月

金石錄

茶山詩

并詩述書述于頔撰詩袁高撰徐璣正書

金石錄

湖州刺史袁高撰前滁州長史徐璣書湖州之顧渚山歲修茶貢高為刺史感其採製之勤而作是詩其後于頔為刺史得之於壞垣為之序而刻之貞元七

年立

集古錄
目

詩述碑陰記

李吉甫撰徐璣正書貞元十年正月

金石錄

劉居簡歸鄉拜高廟詩

正書貞元十二年十月

金石錄

顧少連張式嵩山聯句

正書貞元十二年十二月

金石錄

李吉甫神女祠詩

正書貞元十四年正月

金石錄

神女廟詩李吉甫邱元素李貽孫敬騫等作余貶夷陵令時嘗泛舟黃牛峽至其祠下又飲蝦蟆碛水覽

其江山巉絕窮僻獨恨不得見巫山之奇秀每讀數

子之詩愛其辭翰遂錄之

集古錄

雜言神女詞

忠州刺史李吉甫撰正書無姓名貞元十四年正月

刻

復齋碑錄

邱玄素神女廟詩

夔州刺史邱玄素詩一首無刻石年月

集古錄

任要謁夫子廟詩

正書貞元十四年十二月

錄金石

韋渠牟步虛詞

正書貞元十六年十二月

錄金石

新步虛詞十九首茅山玄靜先生門人朝議郎守太

府卿韋渠牟撰貞元十七年立字畫清勁

諸道石
刻錄

遊琅琊山新寺詩

柳遂正書無年月元和四年四月錢可復題名附

金石

錄

僧靈澈詩五首

元和四年在江州

金石
畧

靈澈詩云相逢盡道休官去林下何曾見一人世俗
相傳以為俚諺慶歷中天章閣待制許元為江淮發
運使因修江岸得斯石於池陽江水中始知為靈澈
詩也澈以詩稱於唐故其與相唱和者皆當世知名
之士包侍郎者佶也徐廣州者浩也代宗時為嶺南

節度使

集古
錄

明皇送李邕赴滑州詩

栢元封行書元和五年十月

金石錄

題巫山詩

蔡穆撰沈幼真行書元和五年十二月

金石錄

神女廟詩

荆南節度判官敬騫撰試左金吾衛兵曹參軍沈幼

真書元和五年十二月刻在巫山

集古錄目

羊士諤遊西龕詩

元和六年并題石壁寒食遊眺二詩

復齋碑錄

經禹廟詩

庾肩吾孟簡撰行書無姓名元和十一年八月

金石錄

梁庾肩吾唐孟簡撰謝楚行書元和十一年八月

復齋

碑錄

宋之間禹廟詩

元和十一年陳翱書

施省會
會稽志

遊善權寺詩

義興主簿羊士諤撰士諤門人李飛書元和十三年

刻

集古
錄目

崔融題東林寺詩

正書無姓名元和十三年二月重刻

金石
錄

元和十三年二月曾孫江州刺史能重刻

復
碑錄

感化詩

竇牟撰正書無姓名元和十五年三月

金石
錄

太清宮齋宿寄張弘靖詩

令狐楚撰正書無姓名元和十四年

京兆金石錄

明州南樓詩

陳石撰胡師模八分書長慶二年十二月

金石錄

刺史喬公郡齋詩

長慶元年七月

諸道石刻錄

題怪石詩

世傳李德裕撰長慶二年二月

金石錄

蒙泉詩

沈傳師正書寶歷二年四月太和九年宇文鼎詩附

金石錄

玉藥唱和詩

潤州刺史李德裕洪州刺史沈傳師贈荅玉藥花詩

二首皆傳師書

集古錄目

惠泉在今荆門軍余貶夷陵道荆門裴回泉上得二

子之詩佳其詞翰遂錄之逮今蓋三十年矣

集古錄

甘露寺李德裕沈傳師唱和詩

在潤州

金石
畧

沈傳師遊道林嶽麓寺詩

古嶽麓寺詩沈傳師撰并書題云酬唐侍御姚員外
而二人之詩不見不知為何人也獨此詩以字畫傳
於世而詩亦自佳傳師書非一體此尤放逸可愛也

集古
錄

長沙之湘西有道林嶽麓二寺名刹也唐沈傳師有
道林詩大字猶掌書於牌藏其寺中常以一小閣貯

之米老元章為微宦時游宦過其下艤舟湘江就寺
主僧借觀一夕張帆攜之遁去僧亟訟於官官為遣
健步追取還世以為口實也政和中上命取詩牌而
內諸禁中亦效道林而刻之石遍賜羣臣然不若道

林舊碑要不失真

鐵圍山
叢譚

惠泉詩

沈傳師書荆門軍

金石
畧

嵩高靈勝詩

大和三年尉遲汾書在中嶽廟壁

嵩陽石
刻記

裴度白居易聯句

正書無姓名太和三年十二月

金石
錄

秋日望贊皇山詩

李德裕撰并八分書太和四年八月

金石
錄

李德裕武昌詩

李衛公武昌詩其間謂牛羊具特俎則指牛僧孺楊

嗣復歎夫朋黨之怨至於如此雖一話言間且不能

忘必求詆訾以逞其憾安得公天下而無私好憎之心哉德裕學優而材勝其操術近正但愾忿少容以及於禍昔牛崇為隴西主簿羊喜為郡功曹馬文淵為太守涼州云三牲備具德裕嘗編牛羊日歷皆取

於此

廣川書跋

桃源詩

劉禹錫撰李其書名缺太和四年

金石錄

白居易遊濟源詩

正書太和五年九月馮宿詩附錄金石

游王屋山詩

白居易正書太和六年十月金石錄

白居易撰道士張弘明正書太和六年十月題復齋碑錄

八節灘詩并龍門二十韻

白居易撰訪碑錄

修香山寺詩三十韻

白居易撰賀拔碁書訪碑錄

白居易劉夢得唱和詩

在蘇州

金石
畧

李紳法華寺詩

正書太和七年三月

金石
錄

越州刺史李紳撰徐浩書太和八年刻

集古
錄目

太和八年法華寺詩唐越州刺史李紳撰其後自序

題云太和甲寅歲遊寺刻詩於壁詳自序所言似紳

自書然以端州題名較之字體殊不類甲寅太和八

年也

集古錄

李紳法華寺詩筆老字勁無愧前輩

墨池編

題仙都觀詩

南卓張次宗作太和八年五月十八日

復齋碑錄

賈餗謁華嶽廟詩

賈餗撰并書太和六年餗從子珣刻在華嶽

集古錄

賈餗謁華嶽廟詩元和元年十月作刻於後周天和

二年華嶽碑之左旁

金石文字記

遊玄都觀詩

劉禹錫撰并書太和十年

京兆金石錄

禹廟詩

浙東觀察使越州刺史薛苹詩不著書人名氏苹初至鎮易禹廟金紫服以冠冕後因祈雨作此詩其和

者鹽鐵轉運崔述等凡十七首

集古錄目

太和中薛苹唱和詩其間馮宿李定李紳皆唐顯人靈澈以詩名後世昔人所想見者然詩皆不及苹豈

唱者得於自然和者牽於強作耶

集古錄

春分投簡陽明洞天詩

元威明白居易撰王濤分書劉蔚篆額太和三年正

月十五日立在越州龍瑞宮

復齊碑錄

李紳題少林寺詩

正書開成元年

金石錄

皇甫曙題石佛谷詩

李道夷正書開成元年十月

金石錄

平泉山居詩

李德裕撰平泉者德裕山居之所也其間多得四方
奇草異木名花怪石而置之因摠為之記其在平泉
及歷守宜春金陵至於為相有平泉詩凡六十七首
同以刻石皆隸書又有臨池搨記凡數十字篆書皆
不著名氏錄集古
目

讀山居詩見文饒夢寐不忘於平泉而終不得少償
其志者人事固多如此也余聞釋子有云出家是大

丈夫事蓋勇決者人之所難也而文饒詩亦云自是

功高臨盡處禍來名滅不由人者誠哉是言也

集古錄

李貽孫神女廟詩

正書無姓名會昌五年九月

金石錄

毬場山亭二十詠并序

福州刺史裴次元作大中十年刻

諸道石刻錄

鄭薰雪霽開溝詩

正書無姓名咸通九年九月

金石錄

鄭黨作在池州

金石
畧

李隲惠山寺詩

詩九首并書咸通十一年五月無錫令孫元恭勒石

復齋
碑錄

宿惠山寺詩

王武陵朱宿竇羣作咸通十二年九月

金石錄

唐王武陵序并詩朱宿竇羣和貞元四年遊元和二年竇羣重遊為記正書咸通十二年七月縣令周邦

弼刊

復齋
碑錄

新紉池臺六詠

裴坦撰正書咸通十一年立刻於聞喜亭記碑陰

復齋

碑錄

鄭畋謁昇仙太子廟詩

正書無姓名乾符四年

金石錄

杜鵑花詩二首

張潘及嶺南節度使劉崇龜唱和杜鵑花詩二首前

監察御史張巖書乾寧元年刻

集古錄目

寄邊衣等詩

裴說撰僧彥修草書光化四年

京兆金石錄

阮客舊居詩

縉雲令李陽冰撰并篆書阮客隱者也碑無刻石年

月在縉雲

集古錄目

李陽冰阮客舊居詩云阮客身何在僊雲洞口橫人間不到處今日此中行阮客者不見其名氏蓋縉雲

之隱者也彼以遁俗為高而終以無名於後世可謂
獲其志矣然聖人有所不取也陽冰欲稱其人而不
顯其名字何哉豈阮客見稱於當時而陽冰不慮於
後世耶夫世固有顯聞於一時而泯沒於萬世者矣
顧其道何如也陽冰篆字世傳多矣此磨滅而僅存

尤可惜也

集古錄

阮客舊居詩篆書無姓名集古錄以為陽冰作今驗
其姓名乃縉雲令李華作非陽冰也其字畫亦不工

蓋陽冰肅宗上元間常令縉雲其篆字石刻石尚多有存者故歐陽公亦誤以此詩為陽冰作耳

金石錄

冬日陪羣公泛舟詩

謫丹陽功曹掾王瓚撰在瘞鶴銘傍字畫亦同

諸道石刻

錄

右冬日陪羣公泛舟詩在潤州瘞鶴銘傍其字畫正同蓋一人所書也題謫丹陽功曹掾而不見其名詩

與書皆工然世所罕傳

金石錄

浮槎寺八紀詩

右浮槎寺八紀詩者自云鴈門僧皎字廣明作詩雖
非工而所載事蹟皆圖經所無可以資博覽浮槎山
在今廬州慎縣其上有泉其味與無錫惠山水相上
下而鴻漸茶經及張又新等水記皆不載嘉祐中李
留後端愿守廬州以其水遺余因為之記其事余甚
愛山泉而浮槎水特佳頗怪前世遺而不錄及得僧
皎紀浮槎八事亦無之乃知物之顯晦有時也

集古錄

津陽亭詩

鄭蟠津陽亭詩其叙津陽門有亭舊矣疑唐亦有之
但不若漢時備也東漢天子都洛其制度盛麗故典
儀書洛陽二十街街一亭十二城門門一亭津陽為
城門則有亭宜也註云司馬懿征朱然於樊城車駕
送津陽門外元嘉二十五年改開陽門為津陽然則
漢以洛陽宮為名而南朝效之若蟠之言津陽即本

漢之東都

廣川
書跋

陰真人詩

鄴都宮陰真人祠刻詩三章唐貞元中刺史李貽孫
書元豐四年轉運判官許安世即祠下盡閱其石謂
此三詩真陰氏作如還丹等皆後人托之乃囑夔知
州吳師孟書既成送觀中於是盡破礪其餘石故今世
不得傳余嘗得舊石本然獨存此也真人名長生新
野陰氏本儒生有才貌善著書其學類左元放嘗授
太清神丹故世傳其丹經贊文甚古雅亦異東漢時

人不知嘗為此詩也此詩雖然與漢異不知安世何
所据而知余益知前所毀棄未必皆非長生所述葛
洪曰長生服金液半劑其止世間幾千年然後仙去

殆古強所謂洪亦不省也

廣川
書跋

撫州六詠

陳公遠得戴容州臨川六詠筆畫疏瘦婉麗勁疾不
在唐諸子下然世不以能書名也蓋叔倫自以詞學
著聞世少見其書宜其不為人知其後識曰龍沙或

疑叔倫燕人者今考新舊書皆曰豫章或曰其先蓋
幽都又戴自宋出無相及也豫章記言章江東岸沙
勢如卧龍狀故叔倫詩曰鄰里龍沙北以沙岸如龍

故云

廣川
書跋

北嶽廟李賈詩

定州司馬李賈恒嶽晨望有懷詩云二儀均四序五
嶽分九州靈造良難識神功匪易酬恒山北臨代秀
粵東跨幽瀕洞鎮河朔嗟峨冠嵩邱裡祠彰舊典壇

廟列平疇古樹侵雲密飛泉界道流從官叨佐理銜
命奉珍羞薦玉申誠效鏘金詎有由郊原照初日林
薄委徂秋塞近風聲厲川長霧氣收他鄉饒感激歸
望切祈求景福如光願私門當復侯 右詩在真定
府曲陽縣北嶽廟中廟有唐時大碑五其一韋虛心
文陳懷志書其一張嘉貞文自書其一鄭子春文崔
鏐八分書其一李荃文戴千齡八分書其一劉端文
王知新書行草碑陰及兩旁刻字皆滿其上層為積

土所蓋而余至時倉卒求梯不可得止就下方讀之
大率皆貞元至天祐十數朝祭獄題名亦有宋人刻
字獨此詩在韋碑後文雖不工然予見近代君子搜
剔唐人之詩至於無名氏不知何代人之作皆收而
附之而此灼然不誤者乃不得與斷簡殘編之列又
北嶽廟自大碑之外絕無題詠故特錄焉

金石文
字記

美原神泉詩并序

垂拱四年篆書云雲陽主簿明臺子徐彥伯字光序

裕明子河東尹元凱字棫左司郎中溫翁念字敬祖
天官員外郎李通字至遠各詩一首五言十二句其

額題曰大唐裕明子書

金石文
字記

商餘操

唐蘇頎撰韓擇木八分書頎友元結隱居教授於商
餘之肥溪頎為作此辭頎時為河南令自號中行子

碑不載刻石年月在魯山縣

集古
錄目

東溪亭詩

劍州節度行軍司馬任侗撰序并詩監軍使程山望

等和者九人無書人名字及刻石年月

集古錄目

南巖亭記并到難篇

李蕃撰不著書人名字滇陽縣南山巖上有石室縣

令侯著因之以立亭故以為名

集古錄目

夏日登戲馬臺詩

鄭遂文盧僎撰八分書無姓名

金石錄

李幼卿題琅琊山詩

八分書無姓名柳遂皇甫智詩附錄金石

無歲月書跋

椒陵陂詩 韋瓘撰正書金石

錄

楠木歌 嚴武撰史俊行書金石

錄

嚴武題龍日寺西龕石壁詩 行書無姓名金石

錄

郝昂光福寺詩 行書無姓名金石

錄

皇甫湜浯溪詩

沙門湛然題井陘山壁詩 正書無姓名金石

錄

令狐彰華山詩 史維則八分書訪碑錄

悟真寺五言詩 王縉撰京兆金石錄

清遠道士詩 顏真卿李德裕追和諸道石刻錄

高閑書令狐楚詩 石本在湖州寶章待訪錄

白鶴詩 虞世南書金石畧

霓裳羽衣曲 黃旛綽書河中府金石畧

代宗送令狐彰赴河南詩 令狐彰自書西京金石畧

韓愈谿堂詩 牛僧孺鄆州金石畧

薛南陽春亭詩

徐州

金石畧

白蘋亭詩

史鎬分書湖州

金石畧

陪封明府遊靈巖瀑布詩

康仲能作睦州

金石畧

惠泉詩

宗文鼎書荆門軍

金石畧

南角山詩記

集州

金石畧

淮山廟詩

張彥遠隸書

墨池編

獻淮南王兼書情五十韻詩

劉權撰儲巘書

墨池編

鄭餘慶贈無憂王寺大德詩

談適書

墨池編

馮宿遊漆祠廟詩

題鴻臚書堂詩 裴處權書

張景佚葉公廟詩

李諒湘中紀行詩

柳宗元八愚詩 刻於冉溪石上在永州府城西

古今碑刻

記

補博城縣令詩

早春陪勅使麻先生祭嶽缺守博城縣令馬


我皇盛文物道化而壘先鞭捷走神鬼玉帛禮山川忽
下玄州使來遊紫洞前青羊得處所白鶴缺時年虔懇
飛龍記昭彰化烏篇缺風半山水缺氣總雲烟光抱昇
中○霞明五色而山橫翠微外室在綠潭邊緹幕灰壘
屐焚林火欲然牽光著草樹春色換山泉伊水來何○
嵩巖去幾千山疑小而下厓是會神仙葉令乘鳧入浮
邱駕鶴旋麻姑幾牽歲三見海成田

跋語與金石文字記同見前

又按碑凡大周年者天作而地作塋人作王聖作璧
年作率月作㊦亦作區日作㊧授作稭初作璽此惟

辰字無可考疑是應字

求古錄



六藝之一錄卷八十八

欽定四庫全書

子部

六藝之一錄卷

八十九至
九十一

詳校官中書臣陸湘

貢外郎_臣牛稔文覆勘

總校官檢討_臣何思鈞

校對官編修_臣沈清藻

謄錄監生_臣李敦源

欽定四庫全書

六藝之一錄卷八十九

錢唐倪濤撰

石刻文字六十五

唐刻題名

高宗幸萬年宮百官題名

長孫無忌以下自書永徽六年

金石錄
詳見御製

馬元貞題名

漢史晨饗孔廟後碑有武后天授二年馬元貞題名

金石文
字記

平淮將佐題名

唐馬總等題名

諸道石刻錄

開元二十三年馬總八分

書

碑帖考

禹廟題名

唐陝州別駕崔穎等題名字為八分不著名氏開元

二十五年刻

集古錄目

謁金天王廟題名

顏真卿正書乾元元年十月

金石錄

顏魯公金天王廟題名極遒偉而三戈法不無可恨
後題行筆尤老勁有逸趣所云奉命來此事期未竟
止緣忠勤無有旋意末又作二語人心無路見時事
只天知蓋可悲矣當是又二十年使李希烈而重題
者也公一厄李輔國再厄元載三厄盧杞其初題名
自蒲下遷饒實用載故至使希烈而死矣公之禍固
杞為之其獲死義亦杞成之也覽畢三歎

弇州續集

東林題名

正書永泰元年六月

金石錄

顏魯公西林題名

正書永泰元年六月

金石錄

余嘗評魯公書獨得右軍父子超軼絕塵處書家未必謂然惟翰林蘇公見許近觀郭忠恕序字源後云家君授以張顏筆法乃知人中常自有精鑒耳

東西二林題名跋山谷集

顏魯公靖居寺題名

右靖居寺題名唐顏真卿題按唐書紀傳真卿當代
宗時為檢校刑部尚書為元載所惡坐論祭器不修
為誹謗貶硤州員外別駕撫州湘州刺史載誅復為
刑部尚書而此題名云永泰二年真卿以罪佐吉州
與史不同據真卿湖州放生池碑陰為序云貶硤州
旬餘再貶吉州蓋真卿未嘗至硤遂貶吉而史氏但
據初貶書於紀傳耳真卿大歷三年始移撫州當遊

靖居時猶在吉也

錄 集 古

東林耶舍碑側題名

顏真卿書江州

金石錄

律藏寺永公碑陰題名

顏真卿書江州

金石錄

江寧國題名

顏真卿書

金石錄

李陽冰瑯琊泉題名

篆書大歷六年三月

金石錄

徐浩先塋題名

正書大歷九年十月

金石錄

避朱泚莎鎮石壁題名

李巽正書建中四年刻

京兆金石錄

王宥等華嶽題名

華嶽題名凡二紙其一則乾元元年顏魯公自蒲州
刺史除饒州與監察御史王延昌穆寧評事張澹華
陰令劉勗主簿鄭鎮同謁題魯公真書其一則上元
元年華陰令王宥前令王紓丞王沐尉李齊權頌鄭
縣簿張彬尉竇或下邳丞李演尉邢涉處士王季友
張彪著作郎孟昌原法曹參軍李樞同謁題年月上

方用小篆姓名下方用分隸皆樞書老勁不作俗筆
歐陽公集華嶽題名自開元至清泰五百餘人今存
者止此耳為之一慨

石墨
鐫華

華嶽廟題名

華嶽題名自唐開元二十三年訖後唐清泰二年實
二百一年題名者五百一人再題者又三十一人往
往當時知名士也或兄弟同遊或子姪並侍或寮屬
將佐之咸在或山人處士之相攜或奉使奔命有行

役之勞或窮高望遠極登臨之適其富貴貧賤歡樂
憂悲非惟人事百端而亦世變多故開元二十三年
丙午是歲天子耕藉田肆大赦羣臣方頌太平請封
禪蓋有唐極盛之時也清泰二年乙未廢帝篡立之
明年也是歲石敬瑭以太原反召契丹入自雁門廢
帝自焚於洛陽而晉高祖入立蓋五代極亂之時也
始終二百年間或治或亂或盛或衰而往者來者先
者後者雖窮達壽夭叅差不齊而斯五百人者卒歸

於共盡也其姓名歲月風霜剝裂亦或在或亡其存者獨有五千仞之山石爾故特錄其題刻每撫卷慨然何異臨長川而歎逝者也

集古錄

華山石闕題名自唐開元二十三年鄭虔題名為首後二百一年至後唐清泰二年戶部侍郎楊凝式而止其間無年月時世者悉列於後總五百一人在華

嶽廟中

集古錄目

華嶽廟題名僅百三十人

金石畧

宋王伯厚言華嶽題名五百十一人再題三十一人
自開元訖清泰今存者不過二十餘人而已嶽廟大
門牆上亦有唐人題名今所搨得者通共九十二人
有裴士淹李德裕李商隱名

金石文
字記

裴士淹淮之兄禮部尚書絳郡公見唐宰相世系
表

岱嶽觀王圓題名

右唐岱嶽觀碑題名之一此碑有開元十九年二十

年建中元年貞元十四年題名都督兗州諸軍事任
要行博城縣令公孫杲二詩此碑前文從右方起後
詩并題名或從右方起或從左方起每層高下多寡
叅錯不一以文意筆法求之乃可辨其起訖凡唐人
紀游題名皆就舊碑之陰及兩旁書之前人已題後
人即於空處插入大小高下俱無定準宋初亦然自
大中祥符以後題名者乃別求一石刻之字體始得
舒縱亦不與舊文相亂然石小易於搬取故題名愈

多而存者愈少今之溝渠碾磨之間皆是物矣

金石文字

記

任要題名

岱嶽觀有任要題名云貞元十四年正月十一日立
春祭嶽遂登大平頂宿其年十二月廿一日立春再

來致祭祭畢茶宴

金石文字
字記

長安令題名記 貞元八年

諸道石刻錄

丹陽縣令謁孔子廟題名 貞元三年

集古錄目

紀功銘并將士題名

唐時佐元撰胡季良分書元和二年秋九月李錡作

亂至十月九日當州討平

復齋碑錄

韓文公題名

都官員外郎韓愈撰元和四年題在濟源

集古錄

韓退之嵩山題名

正書元和四年又三月

金石錄

韓退之題名二皆在洛陽其一在嵩山天封宮石柱

上刻之天聖中余為西京留守推官與梅聖俞遊嵩
山入天封宮裴回柱下而去遂登山頂至武后封禪
處有石記戒人遊龍潭者毋妄語笑以躡神龍龍怒
則有雷恐因念退之記遇雷意其有所試也其一在
福先寺塔下當時所見墨蹟不知其後何人模刻於

石也

集古錄

惠林寺題名

韓愈書

金石錄

與樊宗師等遊嵩山題名

韓愈書西京

金石錄

徐泗掌書記題名

徐州

金石
卷

延福寺塔題名

王仲舒書元和四年

金石
卷

石洪撰

碑帖
考

李翱題名

李子揚出貞元某年李文公題名唐之進士科目蓋自韋肇始而兩京初未聞今考文公所書知府送皆
有會集書於慈恩石極蓋當時等甲進士便與科名
等故世尤貴重觀韋貫之集有啟獻韓貞公乞免知

進士舉當時貞公欲以解頭目送文公謂頭須用合
及第人恐不可令舉子作解頭取及第由是乃得以
李翱為第一張仲素次之蓋自十人解送而九人入
等時以為盛即此題名是也子揚世系蓋習之曹緒

宜其保此

廣川
書跋

慈恩寺題名

慈恩寺題名自張苔於寺中題其同年人因為故事

西陽
雜俎

陳昭題名

河南石氏得唐陳昭題名制度大備知今日進士刻石甚陋段成式曰慈恩寺題名自張苔於寺中題其同年人因為故事柳氏序訓又謂韋肇初及第偶於慈恩塔下題名後進慕效之按苔登科在天寶十三載此時已有題名觀陳昭所書在開元九年則其事可以考也封氏記神龍以來杏園宴後慈恩塔下題名同年中推善書者紀之他時有將相朱書之及第

後知聞或過於未及第時題名則添前字故李紵不加前字到老恨焉則題名自唐神龍初有之矣柳氏著書在中和三年其碑僅存因成故事則余得考之方會昌中陳商知舉奏對不稱改命王起主文宣旨停曲江大會及題名局席至中和而後進士復題名慈恩則自廢而後行蓋在此時也嘗聞唐人言柳宗元劉禹錫題名慈恩寺談元茂秉筆不欲名字著鄣目押縱版子者率多不達柳暗斟酌之馬徵鄧文佐

盡著版子而宗元竟不達雖一時為戲然德器自可於此見之題名之盛亦一時所尚雖至今不廢但隆

殺異爾

廣川書跋

慈恩雁塔唐賢題名十卷

慈恩寺本隋無漏寺故地高宗在春宮為文德皇后復置故以名之永徽三年沙門玄奘自西域歸始於寺西建雁塔其後頽圯至長安中乃復更造南對玉案霧簷諸峰東枕曲江北與大明宮丹鳳門端若引

絕氣象雄偉甲於天下杜詩所謂泰山忽破碎涇渭
不可求蓋言其高遠如此自神龍以來進士登科皆
錫燕江上題名塔下由是遂為故事五季寺廢惟雁
塔歸然獨存有僧蓮芳始葺新之塔之内外皆以塗
暨唐人題字不可復見元豐間塔再修鄉人王正叔
始見畫壁斷裂自剗刮甃甃得題名數十乃錄以歸
屢白好事者使刻石逮今踰四十年不果重和戊戌
察讐書東觀偶與同年柳伯和縱談及此擊節悵然

明年伯和出使咸秦暇日率同僚登絕頂始命盡剗
斷壁而所得尤富皆前此未之見者又俾刊者李知
常知本摹搨隨其斷缺不敢復增益一字時正叔隱
居里中素工書法迺屬以次第標目分十卷刻於塔
之西南隅於是一代奇蹟爛然在目先是會昌中宰
相李德裕自以不由科第深貶進士始罷宴席向之
題名削除殆盡故今所存獨詩人處士與公卿貴游
子弟為多夫晉賢真蹟流傳至唐官楮私牒凡數千

卷自歐虞褚薛而下皆宗之當時士人咸以不能書
為恥以今題名考視其間縱復欹斜至鋒藏筆勁氣
格高古皆有江左遺風國朝士大夫必題識其側欲
俾來者護持而皂隸庸人輒以俗學污漫其上於是
汲水滌之新墨盡去舊畫宛然乃知唐人於字學非
特點曳盡工至於筆墨亦復精妙如此伯和好古博
學邁往不羣聞其成也為之喜而不寐見諉序引輒
以所聞見者列之碑首云宣和庚子九月望日少陵

樊察仲恕序一字廉卿

本碑序

唐人登科燕集曲江題名雁塔一代之榮觀當時士風以不得與為深恨國朝錫宴瓊林立碑太平興國寺乃用唐之遺典故凡歌詩啟叙紀述同年契者引雁塔為故事雁塔在長安南曲江西慈恩寺樂天所謂曲江院裏題名處是也塔成於顯慶間距今幾五百年堅完如新壁間碑上字墨猶存四方士大夫自非身嘗登覽蓋莫之見世亦未有摹刻以傳者宣和

庚子城以漕事使關中公餘與同僚訪古周覽塔上
層層見之字畫道麗俱有楷法金榜無幾而名卿偉
人留記姓字歲月者倍多乃得善工李知常刻碑畫
摹刻於石託隱士王正叔點校編次同年樊仲恕冠
以序引正叔好古博學通六書法仲恕高才鉅筆有
聞於時是書當借重以傳其詳見於序云宣和庚子
十月朔大名柳城伯和題

木碑
跋

承天軍裴晉公題名

長慶元年舒元興楷書

金石表

石室題名

魏元忠書端州

諸道石刻錄

石室題名

端州司馬李紳長慶四年遊石室題名

集古錄

端州石室李紳題名云長慶四年二月自戶部侍郎

貶官至此嗟夫黨議之興君子窮也初紳為翰林學

士與李德裕元稹號三俊李逢吉中傷元稹擯德裕

引相牛僧孺立黨相軋又用八關十六子之計必於
陷紳會穆宗上賓逢吉言於新天子曰紳嘗不利於
陛下遂自戶部貶端州司馬牛李之憾益甚搢紳之

禍四十年不解嗟夫余念之悲恨數日

集古
後錄

沈傅師金天王廟題名

太和二年十月盧僉沈諭同謁

諸道石
刻錄

沈傅師懾山題名

正書太和七年六月

金石
錄

閱古泉硤傍題名

閱古泉硤傍有開成元年六月南嶽道士邢令開錢

塘縣令錢華題名道士諸葛鑑元書鐫之石上

癸辛
雜識

列子觀題名

李德裕王起題名在中牟縣

訪碑
錄

李德裕書東京

金石
畧

遊琅琊山題名

李德裕男椅等遊分書滁州

金石
畧

甘棠館題名

唐人題名始終貞元大中之間自司勳員外郎薛存

誠至東都留守韋夏卿凡數十人

集古
錄目

甘棠館題名自唐德宗貞元以來止於會昌文字多
已磨滅惟高元裕韋夏卿所書尚可讀甚矣人之好
名也其功德之盛固已書竹帛刻金石以垂不朽矣
至於登高遠望行旅往來慨然寓興於一時亦必勒
其姓名留於山石非徒徘徊俯仰以自悲其身世亦

要來者想見其風流夏卿所記留連感愴意不淺也
如高韋二子皆當世知名士也史傳載之詳矣昔杜
預沈碑漢水謂萬世之後谷或為陵庶幾復出以見
於世其為慮深矣然預之功業不待碑而自傳其區
區於此者好名之弊也故士或勤一生以自苦或能
死空山之中甚或蹈水火赴刀鋸以就後世之名為
莊生所笑者有矣故余於前世題名未嘗不錄者閔
夫人之甚好名也

集古錄

蓋屋尉題名

唐都關中蓋屋在畿內為望至重而尉尤為要任自
進士第一與賢科中選人得補然以題名考之皆自
此入翰林充學士者接武不者猶為真御史世傳縣
吏視新尉到而輒論其官壽所劇未嘗差蓋閱人多
者自有据依惟貴人多故知者尤審也水曲曰蓋山

曲曰屋其取名者如是

廣川
書跋

汾陽王將佐略

忠武公將佐略陳翊撰忠武公者郭子儀也翊之所書亦為盛矣猶言得其六七蓋其官至宰相者七人為節度使者二十八人尚書丞郎京尹者十人廉察使者五人據翊所得而書者實六十人而顯名於世者蓋五十人雖喬琳周智光李懷光僕固懷恩等陷於禍敗然杜鴻漸黃裳李光弼光進之徒偉然名見於當時而垂稱於後世者亦不為少豈惟得失相當而已哉雖汾陽功業士多喜附以成名然亦其自有

以得之也其忠信之厚固出其天性至於處富貴保功名古人之所難者謨謀之際宜亦得其助也治平

甲辰秋社前一日書

集古錄

福先寺題名

河陽三城節度使韋澳題大中十二年

集古錄目

李從簡題名

盤山上有李靖舞劍臺李從簡曾遊十大字刻於石

金石文字記

李從簡文宗開成初為金吾將軍兼御史中丞貶復州刺史見冊府元龜

李克用題名

正書今在曲陽縣北嶽廟中其文曰河東節度使檢校太保同中書門下平章事隴西郡王李克用以幽鎮侵擾中原領蕃漢步騎五十萬衆親來救援與易定司空同申祈禱翌日過常山問罪時中和五年二月廿一日克用記易定節度使檢校司空王處存看

題至三月十七日以幽州請就和斷遂却班師再謁
醉容兼申賽謝便取飛狐路却歸河東克用重記其
下小字云天會十二年尚書都官員外郎知曲陽縣

事高君陳摹刊

金石文
字記

裴諷題名 刻在齊朗和尚碑陰大中十四年

諸道石
刻錄

顧渚山杜牧楊漢公題名

諸道石
刻錄

河南尹辛秘題名 在香山寺

墨池
編

永州刺史穆君虞題名

墨池
編

盧鈞題名

李克用安天王廟題名

容州經畧使杜濛題名

香山寺李勣等題名

會善寺李絨題名

李戒題名

少林寺盧貞題名

以上俱見
碑帖考

岱嶽觀雙碑

西一碑北面第一層

顯慶六年二月廿二日 勅賜東嶽先生郭行真弟子陳蘭茂杜知古馬知止奉為皇帝皇后七日行道並造素像一軀二真人夾侍

大周萬歲通而二季歲次丁酉東明觀三洞道士孫文雋奉而冊金輪聖神皇帝肆④五⑤勅將侍者姚欽元詣此嶽觀祈請行道事畢敬造石而尊像一軀並二真人夾侍庶茲景福永奉暨躬聊記其率用傳

不朽 專檢校博城縣主簿關彥博錄事張則上

第二層

久視二奉太歲辛丑丑匪乙亥朔二②丙子神都青
雲觀主麻慈力親承璧吉內貴龍璧御詞繒帛及香
等物詣此觀中齋醮功罪伏願我皇萬福寶業恒隆
敬勅口口口齡冀同礪而無朽 侍者道士麻弘倩

祇承官朝散郎行兗州都督府叅軍攝功曹房希
聖 祇承官登仕郎行兗州都督府錄事劉懷彥儀

鳳三年三月三日大洞三景法師葉法善等奉勅於
此東嶽修齋設河圖大醮所有口綵等物敬造壁畫
元始天尊萬福天尊像兩鋪功德即畢立石紀年

此條

在左方按儀鳳是高宗年
號反在武后之下不可解

第三層

大周長安四率歲次甲辰十一匝癸未朔十五◎丁
酉口口觀威儀師邢虛應法師阮孝波承儀郎行宮
承劉懷口都口口口奉勅於東嶽觀岱嶽觀中建

金錄大齋卅九日行道設醮奏章投龍薦璧以本命
鎮綵物奉為皇帝敬造石而尊皇上天尊一鋪十事
壁畫而尊一鋪十三事敬寫本際經一部度人經
十卷欲茲功德奉福暨躬其匪四○前行道之時忽
見○彩揚光加以抱戴俄頃之際雲色稍殊遂有紫
霞間起黃雲聿興遍覆靈塲並成輿蓋覩斯嘉瑞敢
不書之齋醮既終勒文於石 岱嶽觀主倫虛白
專當官宣德郎行兗州都督府叅軍事王處廉 專

當官宣德郎守博城縣主簿韓仁忠 專當官獄丞

劉口口

第四層 大歷八年建醮并造碑樓題名剝蝕不全

西碑南面第一層

大周璧曆元年歲次戊戌臘⑤癸巳朔貳⑥甲午大
弘道觀主桓道彥弟子晁自端奉勅於此東嶽設金
錄寶齋河圖大醮⑦行道兩度投龍遂感慶雲三

見用齋醮物奉為冊金輪璧神皇帝敬造等身老
君像一軀並二真人夾侍 兗州團練使都虞候銀
青光祿大夫試衛尉卿上柱國高晃 兗州團練使
押牙忠武將軍守左武衛大將軍上柱國趙俊 專

當官博城縣尉李嘉應

此三人官銜書作
五行從左方起

第二層

大周長安四季歲次甲辰玖匝甲申朔八日辛卯勅
使內供奉襄州神武縣雲表觀主玄都大洞叁景弟

子中嶽先生周玄度并將弟子貳生金州西城縣玄
宮觀道士梁悟玄奉叁匝貳拾玖日勅令自於名山
大川投龍璧修無上高元金玄玉清九轉金房度命
齋三◎三夜行道陳設醮禮用能而坐清和風雲靜
默神靈效祉表暨壽之無窮者也

專當官朝散郎行叅軍燉煌張俊并書

專當官文林郎守博城縣主簿韓仁忠

專當官宣德郎行口口口劉玄機

第三層

大唐景雲二年歲次辛亥八月癸卯朔十四日景辰
蒲州丹崖觀上坐品皓仙奉今年閏六月十九日勅
往東嶽及萊州東海投龍并道次靈跡修功德將弟
子二人蒲靈仙觀道士杜含光丹崖觀道士王元慶
道士孫藏暉於此三日三夜卅九人金錄行道設齋
醮并投龍缺
朝議郎曹叅行倉軍陸大鶴
朝議郎行兵曹叅軍高岷 通直郎行叅軍袁幹

特宣義郎行瑕邱縣丞裴遇等奉都督齊國公崔處
分令此起居呂尊師時屬仲秋謹題斯記

第四層

大唐大曆七年太歲壬子正月癸未朔廿三日乙巳
奉勅於岱嶽觀修金籙齋醮及於瑤池投告事畢故
題記 修功德中使內侍魏成信 判官文林郎守
內府丞劉元載 判官掖庭局丞楊彥瓌 小使掖
庭局丞魏貴珍 使內供奉道士申升玄 使翰林

供奉道士王瑞靜 山人王昌宇 弟子道士李日

榮 駱貞運太叔法澄 行官陳顥 同勾當官朝

議郎行乾封縣尉郭璆 專知齋醮檢校官朝議郎

行兗州府叅軍王楚李志晟張守珪 行官郭元光

劉仙口

第五層題名

不全

東一碑北面第一層

大周而檣二年歲次辛卯二④癸卯朔十⑤壬子金

臺觀主中嶽先生馬元貞將弟子楊景初郭希元內
品官楊君尚歐陽智琮奉鬻神皇帝勅緣大周革命
令貞元往五嶽四瀆投龍作功德一十二回夜又奉
冊敬造石元始而尊像並二真人夾侍永此岱嶽觀
中供養

祇承官宣德郎行兗州都督府倉曹叅軍事李叔度
第二層

長安元稷歲次辛丑十二月己亥朔廿三回辛酉道

士金臺觀主趙敬同侍者道士劉守貞王懷亮等奉
十一匝七②勅於此泰岱嶽觀靈壇修金錄寶齋三
②三夜又於觀側靈場之所設五嶽一百廿槃醮禮
金龍玉璧並投山訖又口鎮綵紋繒敬造東方玉寶
皇上而尊一鋪並二真人仙童仙女夾侍口口口口
供養其②祥風暫息瑞雲便停香燭氤氳②匝明朗
神靈祉吉祥事畢故刻石記時勒名題②
專當官宣義郎行博城縣丞公孫口 專當齋并檢

校像官博城縣主簿登仕郎董仁智 都檢校官承
議郎兗州大都督府戶曹叅軍王果

第三層

大唐神龍元年歲次乙巳三月庚辰朔廿八日丁未
大弘道觀法師阮孝波道士劉思禮品官楊嘉福李
立本等奉勅於岱嶽觀建金籙寶齋卅九人九日九
夜行道并設醮投龍功德既畢以本命鎮綵等物奉
為皇帝皇后敬造石玄真萬福天尊像一鋪

檢校尚書駕部郎中使持節都督兗州諸軍事兼兗
州刺史侍御史元口本州團練使任要貞元十四年
正月十一日立春祭嶽遂登太平頂宿其年十二月
立春再來致祭茶宴於茲

同遊詩客京兆韋洪押衙王遷運 乾封縣令王怱
尉邵程嶽令元寘造車十將程日昇後到續題 給
事郎試太子中允劉秀良書

此因神龍記後石有空處遂附題焉中唐以至宋

初大率如此其書從左方起

第四層

大唐景龍二年歲次戊申二月甲子朔十二日乙亥
大龍興觀□□□□勅往東嶽陳齋醮薦龍璧以其
月廿七日辛卯於太嶽觀并上□□□□設金籙行
道九日九夜燒香然燈并設五嶽名山河圖等醮□
□□功德事畢奉用本命紋繒及餘繒綵敬造鎮國
天尊一鋪一十六事□□□皇猷永固與靈嶽而恒

安國祚長隆等玄都而自久朝議郎行兗州□□□
軍事王翰朝散郎行兗州都督府叅軍事上柱國兼
直安樂公主府□□□乾封縣令上柱國張懷貞儒
林郎行乾封縣主簿騎都尉韓仁忠等恭承睿旨沐
浴身心虔拜靈壇勤亦至矣稽首無上而為讚曰泰
山巖巖凌紫氛中有羣仙兮乘白雲陳金薦璧兮□
□□

臘月中與韋戶曹遊發生洞徘徊之際見雙白蝙蝠

三飛洞門時多異之同為口號 任要 山翠幕靈

洞洞深玄想微一雙白蝙蝠三度向明飛雖然有兩翅了自無毛衣若非飽石髓那得凌空口偶見歸堪說殊勝不見歸 同前韋洪 欲驗發生洞先開冰

雪行窺臨見二翼色素飛無聲狀類蝙蝠幽感騰化精應知五馬來啟蟄迎春榮露冕口之久鳴騶還慰

情此亦附題
從左方起

東碑南面第一層

大唐景龍三年歲次己酉三月戊午朔十九日景子
奉勅令虢州龍興觀主杜大業蒲州丹霞觀監齋呂
皓仙京景龍觀大德曹正一等三人於此泰山岱嶽
觀建金籙大齋報賽前恩追濟充等州大德州九人
七日七夜轉經行道設河圖大醮更祈後福以申告
請七日之中遂呈四瑞白鶴騰輝拂霞莊而矯色黃
雲覆彩映巖穴以通光絲雨飛禎家示九年之蓄烏
曦抱戴壽延千載之君記時日於青郊勒奇工於翠

琰夾紵像一鋪十事二聖本命鎮彩修造

戶曹盧延觀 縣令張懷貞 主簿韓仁忠

第二層

景雲二年勅

開元十九年十一月都大弘觀道主張游霧京景龍
觀大德楊琬建立真君於此修齋三日三夜專當官
朝散郎曲阜主簿上官賓登仕郎乾封縣尉王去非
瑕丘尉攝此縣盧昊

第三層

歲六月我皇有意於神仙勅使正議大夫內給事梁
思陀寺伯俱玄明等與道士任無名於東嶽泰山投
龍合練寵以紫綉送以紺錢皇皇馬濟濟焉乘傳而
來矣都督韋君仰祇帝命遠挹使車爰擇幹明武經
構葺朝議郎行功曹蓋寡疑宣德郎行叅軍李烈恭
行郡命屆茲岱嶺因太山之木用近土之人鑿碧巖
壘丹竈列星柱巨虹梁匠無宿舂農不下壘曾未洽

日厥功已成棟宇以來莫籌其速乾封主簿趙脊持
劇務以應諾總筆事而趨走恪勤匪懈不遑自寧息
徒庀工刻詞貞石於時開元八年歲次庚申七月壬
子朔廿日辛未畢此功也瑕丘尉攝此縣盧昊

第四層

開元廿年二月八日勅使內侍省內謁者監胡寂判
官掖庭局監作甯君愛 上騎都尉王元德專知官
登仕郎行乾封縣尉王去非 驅使官樂瓌題記
上

從右
方起

緇州刺史王圓山人王昌字大歷十四年二月廿七日同登泰嶽時真君道士卜皓然萬歲道士郭紫微各攜茶藥相候於迴馬嶺同憇於王母池登臨之興

無所不至

已上從
右方起

第五層

平盧淄青支度判官中大夫檢校尚書工部郎中兼
御史口敬審 節度押牙中大夫試殿中監馮珣

山人呂滔 文林郎守兗州府兵曹參軍田浩 文
林郎任城縣尉高鏗 朝散大夫行任城縣令權知
乾符縣令楊序 節度驅使官朝散郎試光祿寺主
簿明幹唐建中元年二月廿九日同日嶽因訪瑤
池故志之

東側面

早春陪勅使麻先生祭嶽詩

已見前

西側面

五言贈諸法師 宣口郎行博城縣丞公孫杲

駕鶴排朱霧乘鸞入紫烟凌晨味潭菊薄暮玩峰蓮
玉葉低梁下金鸞引窗前嘯傲雲霞際留情鱗羽年
西側面各有題名猥雜不錄西側面上有一題名
云長清董元康權宰奉高受代將歸同王彥文遊
政和甲午重九日崇道繼至惟此一條是宋文書

唐刻 法書

論飛白

歐陽詢書未詳

金石畧

十七帖刻石

解無畏官弘文館日奉勅摹十七帖刻石

書史會要

王逸少十七帖先唐刻本卷尾有數字及褚遂良解

如意校定者人家或得之

東觀餘論

千祿字書

唐濠州刺史顏元孫撰湖州刺史顏真卿書初元孫以字書分四聲定為正俗通三體真卿以大歷九年

正月刻石於湖州

集古錄目

重模干祿字書

開成四年刺史楊漢公以舊本訛缺重模刻石并為記附於碑後今其本比顏魯公所刻差完可以備用

集古錄目

右干祿字樣別有模本文注完全可備檢用此本刻石殘缺處多直以魯公所書真本而錄之爾魯公書刻石者多而絕少小字惟此注最小而筆力精勁可

法尤宜愛惜而世俗多傳模本此以殘闕不傳獨余家藏之 又云干祿字樣模本顏真卿書楊漢公模真卿所書乃大歷九年刻石至開成中遽已剝缺漢公以為一二工人用為衣食之業故摹多而損連者非也蓋公筆法為世楷模而字書辨正訛謬尤為學者所資故當時盛傳於世所以模多爾豈止工人為衣食業耶今世人所傳乃漢公模本而大歷真本以不完遂不復傳若顏公真蹟今世在者得其零落之

餘藏之足以為寶豈問其完不完也故余并錄二本
並藏之亦欲俾覽者知摹本之多失真也

集古錄

歐公此論甚善但云漢公摹本多失真則不然今觀
此書精隱勁媚殊得顏真楊自以為不差纖豪信矣
然文忠又云干祿之注持重舒和而不局促余輒易
之曰持重而不局促舒和而含勁氣乃盡魯公之筆

意也

東觀
餘論

右顏魯公干祿字書辨別字之正俗及通用亦間有

析其義者云干祿者蓋唐以書取士也而公真書小字之傳於後者亦獨見此耳

東里集

此顏魯公干祿字也按成都句詠跋公嘗刺湖州此刻初在其宅東廳後翻刻蜀中予所得乃全帖然缺平聲字雖上聲亦不完豈是二石或一石而兩面書之予所得者乃其半邪或所謂利缺而不可推究者邪然不應缺之多也書盛於晉顧多破壞其體魯公此本特正其繆誤以惠學者則其書名豈特妙於

筆墨而已詠所書與公書頗類豈嘗師公而得其髣

髴者耶

鮑翁家
藏集

此本模刻最多此亦模本也故魯公面目十失八九
攷歐公集古錄開成中已有楊漢公模本矣漢公謂
工人為衣食業故摹多損速歐公云公書為世楷模
而此書辨正訛謬尤盛傳所以損爾世人所傳乃漢
公模本真本以不完遂不傳然則真本不知在否但
得漢公本似猶勝木本也又讀王元美跋乃謂無一

筆縱緩藏之為臨池指南元美好古或宜有真本耳

抑亦漢公本耶

石墨
錫華

聖母帖

貞元五年五月刻僧懷素草書今在西安府儒學

金石

文字
記

素師諸帖皆道瘦而露骨此書獨勻穩清熟妙不可

言惟姿態少遜大令餘翩翩近之矣

弇州山
人藁

懷素藏真律公二帖

草書今石刻在西安府儒學

金石文
字記

說文字源

唐義成軍節度使賈耽撰序前楊府戶曹叅軍徐璠
書秘書少監李陽冰重修漢許氏說文字源陽冰從
子檢校祠部員外郎騰篆凡五百四十字碑以貞元

五年十月立

集古
錄目

唐玄度十體書

唐翰林待詔沔王友唐玄度書凡古文大篆八分小

篆飛帛倒薤散隸懸針鳥書垂露十體并各叙其所
起刻石有二一在故相宋公家一在太常少卿李丕

緒家同出一本而傳摹小異

集古
錄目

六藝之一錄卷八十九

欽定四庫全書

六藝之一錄卷九十

錢唐倪濤撰

石刻文字六十六

梁

重建鼓角樓記

鄭勞謙撰正書無名氏開平二年十二月

復齋碑錄

重修峴山亭記

無書撰人名氏篆額貞明二年十一月

諸道石刻錄

鄂州磨崖碑

柳應辰唐末五代時人書鄂州磨崖碑徑二尺四寸

筆勢清勁

洪邁容
齋四筆

梁僧彥脩草書

乾化缺年刻今在西安府儒學

金石文
字記

後唐

伯夷叔齊碑

伯夷叔齊碑在蒲州首陽山二賢廟中後唐同光元

年護國軍節度押衙丁約建立廟宇題字

金石文
字記

李存進碑

呂夢奇撰梁邕楷書并篆額同光二年立碑在太原

金石
表

靈泉院碑

在隆州同光三年

輿地
碑目

冥福院牒碑

長興四年九月今在泰安州冥福寺
此牒無押而

各人各用一印兩樞密使趙延壽范延光竝見五代

史准字與嵩山會善寺戒壇碑大歷二年牒同

金石文字

記

重修白帝廟記

劉綸述并行書篆額長興二年六月記

復齋碑錄

千峰禪院勅碑

天成元年明宗御書今在澤州盤亭山未有墾曰書

詔新鑄之印

金石文字記

郭汾陽王真堂記

李悅撰李鄂正書清泰三年八月

金石錄

右後唐汾陽王真堂記李鶚書鶚五代時士為國子丞九經印板多其所書前輩頗貴重之余後得此記其筆法蓋出歐陽率更然窘於法度而韻不能高非

名書也

金石錄

鶴巖院記

清泰三年七月立在金華

諸道石刻錄

法門寺重修塔廟碑

碑稱天祐十九年是時唐亡已久李茂貞尚稱唐年號又二年而莊宗取梁茂貞稱臣又一年而茂貞死戰爭之時得作此佛事者以梁晉構兵茂貞偷安故也按傳茂貞先稱岐王莊宗改封秦王據碑則已先稱秦王矣碑王仁恭書亦精勁有法

石墨
錫華

天祐昭

宗年號也

刺史脩解斷碑

無年月究其官稱乃後唐之刺郡者

輿地
碑目

貴平縣牟尚書墓誌

同光五年

輿地
碑目

普濟院碑

在上高縣同光中立

輿地
碑目

王仁裕墓碑

在西和州

輿地
碑目

孟知祥修城記

天成二年李昊記

輿地
碑目

修劍關石刻

天成五年

輿地
碑目

冥福院碑

長興四年

金石文
字記

晉

新初卧龍山武靈王學業堂記

李光圖撰天福三年記在襄陽之伏龍

輿地
碑目

建雄節度使相里金碑

天福五年十月李象撰成知訓正書今在汾陽縣小
相里之北太師墓上五代史相里金傳畧同惟傳云
字奉金而此云字國寶傳云贈太師而此云贈太子
太師又封西河郡開國侯而史遺之皆當以此碑為
正也 碑云顓頊生大業大業生庭堅庭堅仕堯為

大理官至殷末有理徵為殷伯其孫仲明逃紂之禍
故去王而稱里氏至周時晉有大夫里克其妻同成
氏攜小子季連避地居於相城時人遂呼為相里氏
相里武為漢御史相里覽為前趙將軍而莊子書言
相里勤之弟子韓非子言有相里氏之墨作碑者不

能引也

金石文
字記

經藏修造記

在江陵府金鑾寺天福六年

輿地
碑目

興法院記

開運三年七月立

諸道石
刻錄

萬安院碑

天福八年立在蘭溪縣

輿地
碑目

樂安院記

僧慧月撰僧紹清書天福八年十一月立在蘭溪

復齋

碑
錄

駙馬都尉史匡翰碑

陶穀撰閻光遠行書天福八年立在太原

金表石

開化寺瑤巖閣記

蘇禹珪撰蘇曉行書開運二年立在太原縣

金表石

漢

大藏經旨序

郭忠恕撰并篆袁正己正書乾祐元年四月

金錄石

修高祖廟碑

趙穎撰郭忠恕八分書乾祐二年

金錄石

龍壽院記

在象山今名延壽院乾祐二年置

輿地碑

靈應鐘銘

乾祐三年

諸道石刻錄

說文字源

郭忠恕撰篆并正書乾祐三年七月

金石錄

周

明昭院壽塔碑

大理評事章仁安撰廣順三年六月立在武義

諸道
石刻

錄

邢郡荆修六曹軒字記

顯德元年八月僧應文撰正書今在順德府城西舊

莊書不佳又多謬字

金石文
字記

衛州刺史郭公屏盜碑

顯德二年五月杜韡撰孫崇望正書今在衛輝府治

郭進為衛州刺史羣盜屏跡世宗勅右補闕杜韡序

其事

金石文
字記

普濟院碑

顯德二年立在義烏縣

輿地
碑目

南平高王廟碑

顯德二年孫光憲撰

輿地
碑目

龍泉禪院記

徐綸撰王獻可後序并正書僧師試篆額顯德二年

立在陽城縣

金石
表

中書侍郎景範碑

顯德三年扈載文在鄒平縣西南五里

金石表

鄒平縣南五里有景相公墓通鑑後周顯德元年七月癸巳以樞密院直學士工部侍郎長山景範為中書侍郎同平章事此地唐時屬長山也景氏之裔自洪武間有兩舉人至今亦尚有諸生不能記其祖矣不知何年謬傳為晉之景延廣而邑志載之以後山東通志等書襲舛承訛無不以為延廣墓後有令於

此者謂延廣在晉為誤國之臣遂至咎其後人而毀其祠昔年邑之士大夫亦有考五代事而疑之者予至其邑有諸生二人來稱景氏之孫請問其祖為誰予乃取通鑑及五代史周世宗紀示之又示以景延廣傳曰延廣字航川陝州人也其官為馬步軍都指揮使非此明矣乃謝而去間一日往郊外視其墓碑其文為翰林學士朝議郎尚書水部員外郎知制誥柱國扈載撰雖剝落者十之一二而其曰故中書侍

郎平章事景公諱範字甚明白且生封上柱國晉陽
縣開國伯沒贈侍中而其文有曰我大周聖神恭肅
文武孝皇帝建大功於漢室為北藩於魏郡又曰今
皇帝嗣位登用舊臣又曰冬十一月薨於淄川郡之
私第其末曰顯德三年歲次丙辰十二月己未朔越
十日戊辰因嘆近代士人之不學以本邑之人書本
邑之事而猶不可信以明白易見之碑而不之視以
子孫而不識其先人推之天下郡邑之志如此者多

矣

金石文
字記

永寧院碑

進士張安世撰顯德四年四月立在蘭溪

諸道石
刻錄

輔順廟碑

在吉州永和鎮顯德五年立

輿地
碑目

永安縣記

顯德七年立在都昌縣

輿地
碑目

楊凝式長壽華嚴院東壁詩

少師此詩本題於西都長壽華嚴院東壁僕近歲官
洛因覽宋次道三川宮下記知之亟往觀焉墨蹤石
本皆弗之見院僧云三十年前有士人寓是院數歲
及徙居他郡壁與石亦弗之見豈非好事者負之而
趨乎今忽得此本殊可欣也政和三年六月二十八

日黃某書

東觀
餘論

楊凝式題名并書

不著年月凝式時為太子賓客又其一稱歲在癸丑

者周廣順元年也又有詩二首凝式時為太子少師按凝式當晉天福初為太子賓客其分司為少卿在

漢乾祐中石在洛陽人家

集古錄目

右楊少師凝式題名并李西臺詩附自唐亡道喪四海困於兵戈及聖宋興天下復歸於治蓋百有五十餘年而五代之際有楊少師建隆以後稱李西臺二人者筆法不同而書名皆為一時之絕故並錄於此

集古錄

楊凝式灘院記

唐人多善書者隸楷行草往往各盡其妙涉五代而
字體衰矣獨楊公凝式號得筆法洛中碑誌石刻官
寺僧舍多其題識至今尚存校之一時墨迹固不類
矣伯鎮所臨中灘浴室記是其書撰文格雖不甚高
而詞氣宏贍猶有唐人之風範亦可嘉也

蘇魏
公集

補錄

漢
重修高廟碑

漢重修高祖廟碑郭忠恕八分書余年十七八時已喜收蓄前代石刻故正字徐人陳無已為余言豐縣有此碑托人訪求後數年乃得之然字畫頗軟弱余家有忠恕八分懷嵩樓記墨蹟乃其暮年所書筆力

老勁非此碑之比亦嘗刻石今錄於次

金石錄

周文宣王廟記

右周文宣王廟記題縣令郭忠恕撰并書按國史忠恕為漢湘陰從事周祖徵為博士國初貶乾州司戶

叅軍太宗朝復任國子主簿流登州卒不載其嘗為
縣令也記曰縣在汝水之汭嵩山之陽不知其為何
縣最後題甲寅四月十五日建蓋周世宗顯德元年
也或云此碑在汝州界中

金石錄

十國 吳

開善寺浴院井記

無撰人姓名李陶正書并篆額順義七年六月缺日

記

復齋碑錄

徐溫鑄興化院鐘記

武義二年十月二十三日立在建康府城香林寺

復齋

碑錄

吳徐公重建靈寶院記

道士王西霞撰道士呂子元正書并篆額太和三年

重光辛單閏九月九日癸巳記

復齋碑錄

問政先生碑

順義中方詒文在歙縣

輿地碑目

羅漢寺記

在安仁順義六年立

輿地
碑目

鄂州磨崖碑

吳居中楊吳荆江京漢將軍也鄂州摩崖碑大字凡
三十五其文曰乾正元年大吳將軍出陳武昌詔太
守楊公出鎮荆江京漢推忠輔國侍衛將軍吳居中

記

容齋
四筆

慈雲寺石幢

在江夏縣乾貞二年建

輿地
碑目

楊溥浮橋記

乾貞二年立

輿地
碑目

浮梁縣鐘銘

方廷珪楊吳武義間書饒州浮梁縣鐘銘

書史
會要

靈寶院記

道士呂子元吳太和三年書王栖霞所撰靈寶院記

書史

會要

南唐

重復練塘銘

呂延真述并書昇元七年刻并學華所述復練塘頌

亦延真書

復齋
碑錄

彌勒菩薩上生殿記

楊弼撰僧慕莊書保大三年二月二十日杜昌業建

諸道石

刻錄

太一觀董真人殿碑

道士倪少通撰道士鍾德載正書并篆額保大十一

年十一月

復齋碑錄

東林寺上方禪師舍利塔記

彭瀆撰并分書額伊從道正書保大十四年歲次丙

辰十月庚申建王文秉刻

復齋碑錄

文宣王廟記

徐鉉撰

諸道石刻錄

張靈官記

徐鉉撰徐錯書并篆額歲次癸酉上元立

諸道石刻錄

義門陳氏書堂記

徐鉉撰徐錯書并篆額

諸道石刻錄

義興縣道觀北極殿碑

徐錯撰并八分書徐鉉篆額戊辰歲建

復齋碑錄

牛首山祖堂幽棲禪院佛殿記

沙門無業撰沙門處安正書并篆額昇元二年庚子

二月記

復齋碑錄

宋齊邱鳳凰臺詩刻二十韻

宋齊邱天祐八年題昇元三年奉勅立石王紹顏奉

勅正書治平四年重模

復齋
碑錄

天王記

不著書撰人名氏溧水縣人許儒造石天王像以昇

元六年立此記

集古
錄目

方山洞玄觀勅還舊鐘記

道士劉日新撰道士李希曜正書并篆額保大元年

十月七日立

復齋
碑錄

義井記

保大三年

諸道石
刻錄

保大香爐記

保大三年乙巳歲五月二十四日巳未記

復齋
碑錄

中興佛窟寺碑

孫忌撰尉遲樞正書王文秉篆額保大四年丙午二

月五日建

復齋
碑錄

方山寶華宮碑

撰人

碑
缺

龔行書王文秉篆額并鐫保大四年六月建

復齋
碑錄

張懿公碑

公名居詠碑不知何人作乃朱銑書在石頭城北見
張敦頤六朝事迹陸游南唐書本紀中亦載居詠之
名而不為立傳其人或無可傳也然敦頤時此碑必
尚存故其題額述之為詳

金陵古
金石攷

殷崇義撰朱銑

正書保大六年

諸道石
刻錄

李順公碑

公名金全為南唐大將最有功伐史以為國之存亡
係之碑文作者不知為誰其書乃侍郎高越也在西
門外石子岡下事蹟云在石頭城北是也事具見陸

游南唐書本傳

金陵古
金石攷

贈平章事韓熙載神道碑

在梅岡見世紀

金陵古
金石攷

辟支佛大廣現身記

周彥崇撰孟文益行書保大六年

諸道石
刻錄

保大井欄銘記

保大八年三月內建此井

復齋
碑錄

祈澤寺碑

釋契恩撰并正書篆額保大八年庚戌六月建

復齋
碑錄

清涼寺悟空禪師碑

韓熙載撰并分書篆額保大九年七月立

復齋
碑錄

祭悟空禪師文

保大九年

諸道石
刻錄

陸游金陵記作元宗未知是否

金陵古
金石攷

貞素先生王栖霞碑

徐鉉撰并篆額徐鍇分書王文秉刻字保大壬子

復齋

碑錄

右貞素王君碑乃徐鉉撰文鍇書丹者簡翁既裝為冊而又附以裴質方詩朱九德黃石公廟碑蓋簡翁愛道德重山水故隨所得而類收之元孫淵泉能世守之予得觀故為題其後嘉靖甲寅四月七日也

蒼澗

軒碑
跋

重立吳太極左仙公碑

梁陶隱居撰保大十四年丙辰七月五日重建

復齋碑錄

題葛仙公碑陰文

句容縣令王玄撰并書男邕題額保大十四年八月

復齋碑錄

青元觀九天使者功德殿記

賈穆述王燮書保大十五年

諸道石刻錄

紫陽觀碑

徐鉉撰楊元鼎書并篆額王文秉刻己未歲十二月

建

復齊碑錄

徐錯茅山題名

篆書太歲庚申弟子徐錯敬謁

復齊碑錄

般若心經

篆書不著名王文秉刻字

諸道石刻錄

其後八分題曰左千牛衛兵曹叅軍王文秉題字文

東南唐人善篆書此經字畫與文秉他所書相類然

不知何以但稱刻字也石在人家

集古錄目

許真人井銘

徐鉉撰并篆書在玉晨觀

諸道石刻錄

蔣莊武帝廟碑

徐鉉撰朱銑正書

諸道石刻錄

紫陽宮石磬銘

張獻撰王文秉筆建隆二年刻石在人家

集古錄目

小篆自李陽冰後未見工者文秉江南人其字畫之
精遠過徐鉉而中朝之士不知文秉但稱徐常侍者
鉉以文章有重名於當時故也歲在辛酉晉天福六
年李昇之昇元五年也

集古錄

紫極宮石磬銘

徐鍇撰并小篆書鍇與其兄隨後主歸朝貴顯以壽
終歐陽公集古錄云宋興違命侯來朝二徐皆得為

王臣誤矣

金石錄

騎省石

在句容縣治徐鉉曾題名故為騎省石

諸道石
刻錄

魏惠王神道碑

常夢錫撰書人殘缺王文秉鐫保大七年十二月建

復齋
碑錄

重修東林寺記

韓王知證記孟拱辰書并篆額昇元六年七月

復齋
碑錄

太乙真人廟記

韓王知證記孟拱辰行書并篆額昇元六年七月

復齋

碑錄

追封慶王碑

韓熙載文徐鉉篆額在城南婁湖橋王元宗第二子

名弘茂

金陵古
金石攷

徐鍇五龍堂玄元像記

在石城按王荆公詩玄武湖北五龍堂是也

金陵古
金石攷

徐鉉武成王廟碑

祀太公望在鎮淮橋北御街西

金陵古金石攷

清涼寺三絕碑

董羽畫龍李後主草書李霄遠八分書為三絕勒之

碑見金陵世紀

金陵古金石攷

晉謝靈運墓碑

上元本業寺相近保大中里人孫憲等立

金陵古金石攷

本業寺碑

僧契撫撰東山任德筠書乃南唐乾德五年所立者

按記言天監九年僧淨玉捨宅為寺保大五年宣義
開寧兩鄉人周俊周禔等請開善僧令安修之碑乃
為安而立者予嘗記志言謝靈運謝惠連墓近本業
寺地名謝塘屢欲遊之甲寅同友人自栖霞至寺入
門石徑甚幽而殿正與鍾陵之陰相對寺後亂石蹲
踞如萬羊問寺人以謝墓不知所在作詩弔之以還
今回思之都忘其景象惟碑內言東接文園昔是儲
君之主西連蔣嶠今茲蕭帝之蹤者髣髴其形勝爾

丁巳五月十八日記

蒼潤軒
碑跋

延賓亭記

宋齊邱文

諸道石
刻錄

龍山泉銘

宋齊邱文

諸道石
刻錄

題明徵君墓詩

徐鍇篆

諸道石
刻錄

金剛藏經殿碑

韓熙載撰并書

諸道石
刻錄

青元觀殿碑

保大十五年立

輿地
碑目

吉祥院記

在廬陵保大十五年薛良記

輿地
碑目

漢洞院碑

保大中立

羅願新
安志

簡寂先生陸君碑 保大中立寶應翰林供奉吳筠文

輿地
碑目

靈溪觀碑

祕書正字宋渙撰

輿地
碑目

貞風觀碑

韓熙載撰碑陰有當時嬪御姓氏十餘人

輿地
碑目

元寂禪師塔碑

在吉水縣之龍華寺韓熙載撰

輿地
碑目

古書堂記

李古為江州刺史刻於崖下

輿地
碑目

禾山大舜二妃廟碑

西昌令張翊撰

輿地
碑目

崇福寺碑

在寧都縣表愉文

碑地
目

棲霞寺殿記

高陟撰

天下金
石志

寶華宮功德什物記

在崇貞觀

天下金
石志

易夫人墓志

在應天府土山淨銘寺

天下金
石志

開善寺井記

在蔣山寺

天下金
石志

前蜀

誓火碑

永平五年建在順慶府

碑地
目

雙溪觀記

在安仁乾德二年葉窰文

興地
碑目

重修水陸院佛殿記

右拾遺張恂撰

諸道石
刻錄

仙都觀黃錄齋祥瑞詔

中和二年

諸道石
刻錄

仙都觀石函取經記

杜光庭撰正書天復四年四月

復齋
碑錄

龍興寺碑

前蜀王氏時所立

容齋
隨筆

咸康碑

在閬州太霄觀其石光瑩前後可鑿人號透明碑

與地

碑目

閩

閩忠懿王德政碑

于競撰不著書人名氏

諸道石
刻錄

漳州故羅漢禪師碑

張廣撰僧匡政書問王昶通文元年建

諸道石
刻錄

大瀉延聖禪師碑

崔胤撰無建碑年月

諸道石
刻錄

吳越

鎮東軍墻隍廟記

錢鏐撰開平二年歲在武辰

缺月

月字上
下皆空

今在紹興

府卧龍山西岡上城隍廟中此碑以城為墻以戊為

武按舊唐書哀帝紀天祐二年七月辛巳勅全忠請
鑄河中晉絳諸縣印縣名內有城字並落下如密鄭
絳蒲例單名為文九月巳巳勅武成王廟宜改為武
明王十月癸丑勅改成德軍為武順管內藁城縣曰
藁平信都曰堯都樂城曰樂氏阜城曰漢阜臨城曰
房子避全忠祖父名也 曾子固跋韓公井記襄州
南楚故城有昭王井故城今謂之故墻即鄔也由梁
太祖父名誠避之然則城者誠之嫌名也冊府元龜

言帝曾祖諱茂琳開平元年六月癸卯司天監上言
請改日辰內戊字為武從之然則戊者茂之嫌名也

金石文
字記

新建錢塘廣潤龍王廟碑

錢鏐記

新建功臣禪院記

錢鏐記

吳越國王錢鏐題名

梁龍德元年十一月一日天下都元帥吳越國王鏐

建置正書在南郊登聖寺磨崖

復齋碑錄

開慈雲嶺路記

篆書梁單闕之歲興建龍山至汜灘之歲開慈雲嶺
蓋興建于梁貞明五年開嶺于唐同光二年碑在慈

雲嶺

復齋碑錄

後唐尚父吳越國王諡武肅神道碑

楊凝式撰翰林待詔張恭胤行書郭在微篆額長興

五年正月立在臨安縣

復齋碑錄

胡進思造傳大古像塔記

晉天福十年二月十一日惠龜記在郊壇側淨明寺

復齋碑錄

吳越王題錢明觀橋記

吳越寶正六年歲次辛卯四月八日因建錢明觀造

此石橋吳越國王記

復齋碑錄

吳越加句尊勝咒幢

婺州浦江縣女弟子胡氏二娘寶大二年歲次乙酉

十一月八日建在九里松觀音寺

復齋碑錄

臯亭神祠碑

于僧翰書

諸道石刻錄

貢院前橋柱

刻云寶正六年歲在辛卯造

杜太師稜築城記

在新城縣寶大元年羅隱文

輿地碑目

崇覺院錢武肅王開山碑 在臨安縣
輿地碑目

吳越王立功碑 乾化三年立
輿地碑目

觀音尊聖幢 在九里松寶大二年建
輿地碑目

梅先生碑 羅隱隸書
天下金石志

後蜀

重刻盧播平聲詩

廣政五年十月三日楊仁煦以舊本重刻
復齋碑錄

白帝廟碑

白帝廟有數碑皆孟蜀時立

陸游入蜀記

僧曉徵碑

在隆州寶林院明德元年

輿地碑目

鐵騎將軍碑

在隆州廣政二年立

輿地碑目

顯教大師碑

廣政四年立

輿地碑目

游仙觀老君碑

在中江縣集虛觀廣政六年立

輿地
碑目

田真人殿記

廣政六年立

輿地
碑目

南漢

南海乾和白石秀林之記

乾和三年歲次乙酉奉勅鑄石玉皇儀像侍衛九軀

并修金錄齋慶讚記臣吳可一撰

輿地
碑目

盤御室記

在碧落洞乾和七年鍾允章撰

輿地
碑目

北漢

天龍寺千佛樓碑

李暉撰劉守清行書王廷譽篆額廣運二年立在大

原

金石
表

朱彛尊曰碑稱承鈞為睿宗皇帝繼元為英武皇帝

皆史所未及

金石文
字記

楚

石馬洞碑

在荊州花溪之下清溪之上五代間立有斷橋尚存

輿地
碑目

銅柱銘

在會溪城天福五年溪州刺史彭士愁納土求銘楚
王馬希範請於朝以立之學士李皋為之銘五代史

謂之彭士然者字之訛也當以銅柱銘為正

輿地
碑目

六藝之一錄卷九十